



學文堂詩集卷三

夫椒山人陳玉璠賡明

五言律三

登西洞庭山二首

高峯七十二第一是西山幽澗黃雲合懸崖碧草斑人行古寺外

天入太湖閒角里傳遺勝良遊未擬還

角灣角里先生故居

北望渾忘倦行行又到西乍登舟漸小更上樹全低水畔大魚立

林間好鳥嘯偶然得佳句片石欲畱題

角菴二首

無數山中寺茲菴最有名地猶傳角里人已到蓬瀛古檜穿松直

繁花隔渚明舉頭湖萬頃不盡暮雲橫

波動荒洲坼花明宿鳥深何年飛杖錫此日到祗林碧草含春色

高樓淨客心無窮憑眺意梁父欲成吟

送同年岳聲國入都二首

征車君且住執手進微辭世路原宜畏天心況未知江帆波遠近



聲國因被累欲叩關故示勸焉

春雨鴈參差向爾叮嚀語非徒惜別離  
舉眼孤蓬在行期奈決何空餘三徑好  
新詩莫浪歌回思倚門者歸計忍蹉跎

雨

久雨天難問經旬不冝晴雲容低復暗  
草色細偏明村遠煙添景  
溪平壑減聲為農憂正迫連歲少秋成

雷

春雷先雨發雨過復爭鳴忽見蟠山影  
旋聞罩水聲乾坤真欲戰  
風浪自難平獨愛空林內新篁處處生

望高淳縣

縣無城

城郭知何在湖邊望易窮人家鳧鴈外  
魚艇荻蘆中塔勢隨波湧  
山光倒水空乘槎過日暮蕭颯起秋風

奇石

溧陽雙橋

片石雙橋上嶽敬迴絕倫雪消形乍瘦  
雨洗色逾新側勢如雲起

孤峯任鳥親瀨江環左右嘗覺水鄰鄰

飲施愚山寄雲樓望疊嶂樓作

百尺寄雲樓銜杯坐上頭主人能愛客  
遊子便忘愁山勢寒煙曉  
溪光暮雨秋臨風懷謝朓千里一歸舟

茗溪寄弟八首

膝下傳兄語親懷且自寬况當多病後  
須得老人安強步無如臥  
應愁倒作歡此身嘗愛惜早晚慎風寒

涇縣來查子吾常有石生聲名俱伯仲  
心術最端平藥物由來妙

通家况有情儻能肯倚任應使客愁輕

查次侯石瑞章岐黃名家

藥餌雖應服無如米穀宜計時須漸益  
每日莫踰期地僻花頻賞  
窗晴枕暫支更聞頤養道有興好銜卮

母病今雖愈時時貴節勞會須安夢寢  
且勿念兒曹茹素心偏苦  
多愁齒况高經旬違定省且晚一舟操

祖壠重營葬親魂自倍安可憐新涕淚  
遙灑故衣冠松柏殷勤種

河流仔細看此時應祭掃破淚幸為歡時值清明

有叔同朝夕依依慰老親生平多道氣骨肉見天真握手猶前日

回頭遂故人孤兒如在側嘗恐淚沾巾謂先叔虞掌也

更苦經遊處傷心是小梅我兄名不朽吾弟夢應來嗚咽看魚浪

留連認水隈欲為楚些曲握管幾腸迴小梅港名距苔城二十里兄昔過此沈舟身殉

父執吳興守連朝寄語詳別離悲老大宦蹟恨參商薄俸行相贈

空囊漫自傷此言聊為述未審是衷腸

有感

夙信交遊好于今始自疑本非金石固難與漆膠期薄俗吾何哂

窮途汝未知毋為生悵望棄置定相宜

投贈張孝子割股

東鄰張孝子割股事全真折肉仍還母呼天若有神紛紜朝野議

感激世途人何限投詩意高堂共有親孝子割股死而復甦

卽韻送別半雪緯雲兩兄歸宜興

兄弟分飛惜離舟掩淚看才華真伯仲奔走累饑寒酒殫歸帆急

詩排旅思寬異時春草夢頻許到銅官

飲張衡我別業卽席同谷賓諸子賦

高堂良讌會詞客重張衡捲幔青蘿合開軒翠篠清玄言消歲月

埋照足平生不盡當筵意徘徊空復情

曉行句曲與同行黃丈

曲水臨無岸盤旋曉色侵嶺舍孤月澹路轉小橋深犬吠知村舍

烏啼過樹林翻為行役地握手折秋心

登樓遣興

莽莽雲深隱登臨此艤舟金魚須換酒白恰正逢秋長劍氣無敵

新詩句漸道乾坤雙眼在突兀倚高樓

過漫園與曹峨嶺

曲徑江城裏居然老樹村芙蓉繁沼沚魚鳥散晴昏閣許元龍臥

詩同子建論主人餘興趣終日倒芳尊



過清江浦

一過黃河岸看來便不凡春光殊北地風色飽南帆江橋那曾變  
堤梅漸已銜家鄉更何似歸去臥山巖  
夜飲許力臣師六宿影亭

勝絕邗溝畔新成宿影亭雲浮雙樹碧波動一峯青刺眼花無賴  
狂吟酒不停主人畱客意深覺慰飄零

夜赴畢刺史載積讌時刺史將歸山左出依園圖索題次杜于皇  
韻

此日誰知已于君交有神名園曾載酒高閣更邀賓自覺詩無敵  
爭誇髯絕倫相期拌醉倒別淚漫沾巾

三歸臺

東平州郭外

依園之會余未得赴故有三句

日落上高臺夷吾安在哉碑殘藤自蔓樹密鳥還來偶聽城邊語  
猶稱天下才無窮今古意臨眺重徘徊

孤鴻

目送孤鴻去飛鳴信可憐羣分丹嶂後行斷白雲前漏盡唳聲急  
沙虛宿影偏客衾方不寐愁緒奈相牽

嶧山

愛山成僻性曠望好停驂峯斷煙仍合天低雨乍含石橋迎翡翠  
野屋背精藍獨客無窮意行吟興頗酣

廣平道中遇雪

行行洛水畔雪勢蔽朝昏橋立方知岸煙高始驗村宿鴉添樹景  
過馬失蹏痕獨有岐途歎蒼茫斷客魂

飲申臆盟齋卽席賦贈兼寄隨叔三首

憶昔梁園讌先生坐上頭相逢都在客高會恰宜秋把酒名花發  
論詩暮雨愁天涯兄弟在袞袞慰淹畱

庚子在都為梁園十九人公讌

十九人誰少君家數季方與兄皆耳熱于我覺形忘灑落空時論  
飛騰羨帝鄉只今垂眼處曾否及滄浪

時令弟隨叔年最少

良會嗟難再回思近十年那知今日酒復對故人前世態增吾感

交情覺汝偏狂歌向洛水飛雪夜絲絲

順德至日史庸菴太守署中同黃雲孫夜飲

今夕是何夕淒然客異鄉可憐家愈遠愁聽日初長旅舍聊安枕

官廚暫喜嘗故人驚會面苦恨復參商時雲孫次日歸江南

咏帆

一自相看汝悠然壯客思捲來嘗曲折照處每參差數丈如屏列

兼程似馬馳漫言頻遇順憶否石尤時

咏柁

是物能持重天然砥柱功因人分左右于水判西東首尾擊相應

安危置視工最看帆正處穩趁大江風

蘋果

北地多佳果君尤重品題甘能勝海棗脰可敵哀梨似玉冰盤映

如拳碧葉低今朝貪飽食還欲遠相攜

蒙陰郭外題店壁二首

每到蒙陰縣登臨興最酣老農勤夏耨小婦理春蠶危石披襟坐

名山恣意採此閒容卜築還否憶江南

更愛蒙茶好天然石上珍採時飄似雪烹就色如銀仙藥元殊種

香風自絕塵旅人消渴甚七椀興如神蒙茶可治膈疾故有五句

泰山道中山行

鑿石開山徑懸崖一騎穿倚天雙劍削夾谷老藤纏小鳥搖空翠

浮雲接曉煙只愁行欲盡回首復停鞭

策蹇

御馬渾無術馳驅覺汝便路迴津樹裏鐸振野風前詩許揮鞭得

才因令僕傳行行意何限嘗見好山川

溪上

驟雨山泉落潺湲直到溪小村敲嶺北斜日澹峯西過眼花初發

無名鳥自嘯老農晞髮坐真欲羨幽棲

平原和店壁韻



地入平原舊狂吟傍路隅舉頭看落鴈失足畏疲驢十日飲難得  
千秋事竟殊荒碑磨滅甚讀罷幾踟躕

德州入舟示曹峨嶠二首

乍喜辭車馬中流穩嘯眠漸趨燕道路不厭魯山川鶯鴨衝船過  
魚蝦入市便風煙無限好辛苦記揮鞭

似爾金閨客銜杯共細論順流風不藉落日水初昏曠達應吾道  
馳驅見主恩濟時須努力知勿戀江村

七夕滄州夜發

月淨空林影乘流好放船候蟲驚欲語飛鴈去堪憐白露團金井  
明河耿碧天故鄉何處望牛女自依然

天津再泊

煙景如相待孤舟次水門負鹽仍入市撥網舊依村坐惜顏頻改  
空知舌尚存微官猶未縛浩蕩此乾坤

野泊

挂帆秋思好小住亦爲佳白鴈迎愁眼青山入曠懷雨餘沙更輦  
岸斷日初埋步履還趺坐閑尊酒似淮

和緯雲病愈之作用原韻

君乍頭風愈吾纔肺氣通相依秋日裏稍喜客途中衣食還須慎  
詩篇且漫工十年京國路愁絕欲成翁

東阿山行失路遇樵者始得過隔馬嶺

失路休流涕樵夫意自親山邊頻指點谷口暫逡巡一徑引如髮  
孤峯入有神日斜人迹斷閃閃動青燐

晚宿

投宿知何地荒村有數家犬聲連細水月影動奔沙容易盤餐慰  
無聊酒興加如何行役路風物總堪嗟

登岱八首

百折猶難盡誰云十八盤乾坤都在眼齊魯只如丸峭澗松陰合  
悲風日暮寒請看雲起處窈窕護層巒

嶮崖留輦道七十二君過磨滅碑文古蒼茫世代多只今成感慨  
當日定如何獨有山閒月年年照薜蘿

厯厯諸山拱徂徠勢獨高其餘皆秀削最遠得纖毫小郡依峯仄  
哀猿避客號從來名勝地詩興屬吾曹

石態渾難狀天工鑿混茫松侵痕慘裂雲挾勢飛揚跌坐吟能壯  
銜杯興倍長蘇苔餘字迹一一記前王

萬仞雙峯矗高天一綫垂總然身在險休訝境偏危遠水看逾闊  
疏星落漸卑九閩應可叩俯仰欲生悲

高臺封禪址古廟獨長存殿鎖孤峯勢門蟠老樹根陰晴殊白日  
燈火靜黃昏夙昔相如賦曾將此地論

危石天然立當年待御書輝煌畱翰墨想像簇鑾輿勝槩千秋得  
流傳十代餘回看無字者獨立倍躊躇唐開元帝書無字碑秦李斯書今無字

越嶠猶能見吳關自可知鄉心差慰藉客路尙驅馳眼闊江流內  
愁深鴈渡時片帆歸臥穩回首岱雲垂越觀峯望之見越

射陽湖口夜泊喜遇楊丈畱飲限韻

明湖千頃岸木葉莽蕭蕭怒浪搖青雀悲風撼黑貂酒拌今夜醉  
羹喜故人調紅燭休教短狂吟慰寂寥

渡江

小艇乘潮渡風煙縱目閒山猶稱北顧人卻喜南還曉日團初上  
秋江澹自閒幾年遊眺地那有勝鄉關北固亦名北顧

白鷺

白鷺多于鴈沙邊次第飛驚人行不整帶月影初微碧水全生計  
青山好息機此閒誰共汝吾意豈相違

戊申冬日周櫟園先生過晤金陵寓中  
僑寓偏多感蒼茫集百端依然青嶂色已作白衣看彈鋏原非計

歌詩總不安憑君能下士破涕一爲歡  
庚戌元旦述哀三十首

爲居春王朔傷心倍不窮尋歡違節物強喜逐見童子道真全歎



親喪竟欲終年華成奄忽歷歷夢思中

地下憑誰說今朝令節逢燈前終古恨夢裏暫時容柏酒銜愁進

辛盤灑涕供總幃淒絕地苦塊越三冬

守歲靈筵側空庭霜露降老鳥唳白樹饑鼠竄銀缸冷落聽儺鼓

飄搖倚佛幢荆棺頻自撫寒淚迸雙雙

一從親沒後如慕復如疑信忝餘生日誰憐失怙兒世途逾險巖

門戶強支持多少艱難事黃泉那得知

親在何曾養捫心事事違微官嗟未達薄祿恨全非痛絕蒸嘗饗

淒然笑語希子情聊用展魂些好來歸

儻然仍置閨今日尚冬餘遂有新符換偏令舊臘虛歲時彌迅駛

風木倍欷歔手澤驚無恙誰能讀父書

我父為郎日君恩十載殊才猷蠻俗仗筋力已酉閏十二月改閏庚戌二月聖朝須臣罪原

堪憫王章竟不渝九閻行欲叩應旨慰黃墟先君十載官京師歷兵刑二曹擢雲

南備兵以親故通糧被累謫官

祖德洵難誦當年清議齊建標燕冀北開府漢江西作述千秋重

聲名兩世躋夜臺今夕宴含笑一長嘯

璠也真無似庭趨訓敢乖皇天名最惜小子照應埋十字嘗銘座

三秋歛愴懷風塵機已息身世一芒屨

痛憶彌留際嗟予季未回支牀頻輾轉易簣幾徘徊子夢三江斷

親魂萬里哀此情那忍述脈脈寸腸摧先君易簣時弟客遊長安未歸

依依陶母側綠酒進芳晨繞膝看雙子齊眉少一人椒花還獻頌

綵燕自相親不道歡娛日偏教暗愴神

幽明雖已判泣告定還聞貧自安兒素憂難代母分感時嘗失涕

畏客罷論文欲語那能盡茫茫對白雲

帝曰欽哉汝從來積德門平刑三輔首銜詔一官尊黍果能回谷

冤真起覆盆只今回望處流涕滿乾坤庚子冬月先君奉命卹刑直隸郡縣

三十三年事回頭信可歎晨昏都及記嘯笑竟誰看霧卷旌銘溼

風吹總火寒依然趨走地淒殺白衣冠

長跽陳先像狂呼向此閒形容猶不隔言笑杳難攀日落搖孤艇  
花明認故山親魂今在否血濺鬢毛斑先人存日延廖君作小像乘扁舟傍夫椒山看桃花

父曰嗟予子伶仃實可憐何方能縮地有恨抱終天壯惜毛生檄  
貧思祖逖鞭年來詩總廢只補白華篇

佛寺重過日青谿耿寂寥摩娑看舊榻輾轉記前宵無恙樓頭月  
仍喧谷口潮老僧論往事風雨倏瀟瀟癸卯秋先君挈玉璣之金陵寓青谿僧舍戊申冬璣

為園良不易拮据事誅茅屋宇雖無幾藤蘿已漸交池魚欣夕照  
咽不勝復過鳴

林鳥愛朝嘲幽意今誰賞吞聲向北郊先人手創

孝德吾親大臨喪敢憚勞新阡淒伏臘舊窆避城壕樹密松颯落  
煙橫石馬高異時飄髮鐸殺是兒曹先君改葬先祖大中丞宅兆積勞成疾今璣亦將為

痛定還思痛親亡可奈何衣冠遺質樸仕路想蹉跎郎水談經舊  
先君

宣城教澤多只今諸弟子翹首日悲歌先君司鐸建平又署宣城學篆今及門諸弟子頻寄

愍孫前歲誕新喜色逾加吉夢為兒道佳名向客誇無時離抱膝  
他日望承家不料成捐棄相看倍可嗟璣舉子時親正夢老僧十

道累如山積京華望可傷信知權子母未許判存亡讒柄紛難圻  
周防耿莫忘幽魂如念子應向夜臺望先君宦京邸通累千百近

嘗教涕泗傾九原應聚首繞膝不勝情  
十載先親歿傷心是伯兄形骸拌痛飲意氣悔孤行難傍干戈覓

捧詔當時事樓船出使星鳳銜新命赤雲擁故山青器宇涵江介  
官方著闕廷姑蘇流慟處哀鴈不堪聽丙申秋先君捧詔

紫誥欣雙綰恩波媿莫勝臣勞蒙獎借祖德竝騫騰教以成均貴  
官知列宿應蓋棺今論定青簡自堪矜先君兩被恩綸一在國學

並蒙 誥贈



痛憶先人誕今年甲子周有觴難獻壽無地可埋憂薤露瀾中夜  
靈筵冷上頭一杯還欲進颯颯素幃秋

生產何曾問微田屬意深百年宗族計七葉歲時心長者人爭識  
高風世絕欽當時規約在恪守到如今故鄉田百餘畝先君盡入家廟中為宗人冠婚喪祭

之資規約皆經手定卷幔才無敵臨池興愈耽詩從蕭選遯書向晉人探掩淚看遺迹

攢眉啟贖函有兒慚步武嗚咽對江潭先君所著有梅花草堂詩行世先君素工書喜珍藏

晉唐人帖父去知何往兒今在寢苦宵教逢夢寐嘗與奠蓋鹽玉洞山深憶

蘭燒雪苦淹江湖迷哭處愴絕淚痕添先君謝世之七日夢語瑛事我先君易簣在梁溪舟中時值大雪遂不及歸里思之痛絕

強吟真不慊嘔血灑堪巖盤谷千峯抱明湖萬頃銜逢人占歲月  
異日老松杉拭眼靈輻動狂號倚去帆已為先君卜地于夫椒山俟諏吉舉襄事

過董舜民齋

疊石遂成山山邊畫掩關颯驚秋曠朗幽入樹迴環世事真容懶

人生竟得閒憑君嘗醉臥往往不知還  
秋夜龔琅霞移尊招飲楊氏園同諸公用工部遊何將軍山林十

首韻

為有幽尋興行行過板橋入門紆細路倚樹豁層霄來往應無定  
親朋況此招一杯休易盡良夜正迢遙

燭影偏餘照冷然一水清夜涼頻喚鶴秋至懶嘯鶯菊蘂浮為蟻  
蓴絲煮作羹擎燈還縱步都在樹中行

病起身猶惜因君強自支丹楓偏照灼白鳥正差池興仗名園發  
狂憑醉眼知年來多少恨一擬向人披

不盡親亡痛三年此看花疏籬連蟋蟀巨壑想龍蛇灑落愁渾破  
登臨眺豈賒深林明月在悄悄入鄰家

閣迴疏風納蹊窮亂石開此閒宜種竹無處不栽梅人向孤亭立  
秋從一鴈來追隨更何所蹤迹任蒼蒼

都忘人世事但飲酒如泉幽偏黃昏雨涼催白袷縣有詩堪度日  
 得醉省攜錢一帶東皋勝誰教繪輞川  
 階前頻步履隨意得花香鞍馬來清畫衣裳衰晚涼秋雲孤樹倚  
 佛火一龕藏懶計如容遂應判鬢髮蒼  
 淒然思往事倚徒向亭池寄傲憑枯樹忘機倒接羅繁華耽祕戲  
 歌舞聚羣兒景物還如昨令人感歎隨園故為曹氏創相傳歌舞甚盛  
 諸公才莫敵意氣況如雲不厭頻呼酒無妨一論文行藏俱有為  
 主客竟難分戍鼓城頭急蕭蕭木葉紛  
 出門休悵望逸趣更如何到覺殘虹抱歸看皓月多陰晴饒變態  
 身世且高歌招隱知誰賦攜尊許重過  
 九日同婁東周子倣同邑董玉虬龔琅霞飲董舜民一草堂分賦

二首

步屨東城畔登高九日天招邀逢我友意氣仗羣賢節到詩懷健  
 狂餘酒興偏黃花無恙在移席近籬邊

怪石空庭立低雲雜樹纏憑闌添興趣隨意得詩篇燭向殘更跋

秋從宿雨懸故交零落盡珍重一尊前話及詩士文友之變傷心久之

夜同吳伯成秦對巖吳耕方嚴蓀友遊青山莊舟中限韻二首

雨歇船初放晴光一帶青半帆當落日雜樹閃疏星詩興憑闌得

漁歌隔浦聽到來宜蹤步幽戶未全扃

徑入孤村裏居然似遠山煙雲雙澗合今古一亭閒白社原良讌

丹砂想駐顏來遊頻日暮爛醉不知還

送魏善伯歸寧都

忽覺銷魂甚春風欲送行萬山迎畫舫一水到金精意氣推今古

才名重弟兄飛飛江鴈影凝睇不勝情金精山名善伯所居地名弟冰叔和公皆以詩文名

九日

每遇重陽節嘗為行路歌婁江今夜渡易水去年過衣帶浮雲薄

杯含野趣多村醪新更熟一擬醉顏酡



風雨知何極，淒其行路情。山光侵野岸，波浪入江城。爲作三秋客，難令百感平。夜來還起舞，獨立一舟橫。

攜妓看月時，余將發長安。

他夕燕山月，今從吳市看。不因南北異，誰覺別離難。弦仄燈前鬢，光分扇上紈。與君一攜手，清影正珊珊。

夜泊

憶昨依親舍，憐今作旅人。峽含前日雨，江動故鄉春。生計多離別，天涯自苦辛。孰教纖月起，偏照客愁新。

得友信

十載無消息，俄傳尺素書。開時聊慰藉，讀罷轉唏噓。痛飲誰投轄，還山好卜居。計程江路近，蚤晚賦歸與。

維揚登昭明文選樓

高閣巋然在，來遊竟此登。聲名推帝胄，土著共蘭陵。人自圖書古，秋從逆旅增。江聲哀不盡，憑眺意難勝。

呂城

一夜毗陵道，輕舟溯呂城。可憐今夜酒，還說阿蒙名。月暗愁偏老，秋高恨未平。畫樓當古驛，何限故鄉情。

曉發

待月月漸至，行行去棹催。夜鳥深樹宿，秋水大江來。曠野連漁火，狂吟仗酒杯。前溪天欲曙，次第斗星回。

客中輓程邨

不信同遊地，思君遂故人。百年身未半，一別見何因。吾道誠難得，當歌自苦辛。此生原早露，無奈欲傷神。

翫月

孤月照中流，行吟古渡頭。輪飏河漢影，波冷塞門秋。對客催狂句，隨人作遠遊。天涯空目斷，我醉已忘愁。

偶贈二首

十五抱銀箏，蘼蕪道上生。尊開羅袖夜，人在月華明。昨唱吳趨曲，

今歌燕市行愁心憑紫纜相送到蕪城  
綠酒送征鞍紅燈照別灘煙花方婀娜星月又闌干路是關河隔  
情因去住難多君贈明鏡珍重到長安  
憶女

幼女偏羸瘦悠悠膝下趨爲言從此去明日便歸無別更牽衣舞  
饑還傍母呼只今回首處誰與說征途  
客懷

亦知歸未得無奈只思鄉已覺苦寒近真愁道路長詩懷孤客健  
酒興一秋強朔鴈來何處飛鳴自可傷  
駕幸南海子

望裏旌旗合干官擁至尊垂裳徵主德巡幸識君恩南海春雲麗  
西山夜月翻扈遊歌頌滿補闕已忘言  
過琅霞論詩有贈

爛熳知何極談諧自不羣論詩過日暮把酒到宵分人靜喧城角

風高度嶺雲便應長往復有與卽探君

秋詠十二首和友人韻

秋天

極目村扉外長天曉自橫關山終古色河漢此宵情清偏三秋影  
涼驅萬籟聲舉頭吾欲問多恐意難平

秋星

歷歷渾難數窗邊照影寒何人天上種有客鏡中看伴月添秋氣  
含風動夜闌最憐遊子路常帶曙鐘殘

秋水

行行看秋水水色竝秋清處處芙蓉老時時江鴈橫月涵光愈澹  
風過浪偏輕更羨空山裏常隨落木聲

秋陰

秋雨無時節初晴尙帶陰雲低沾古渡煙溼著疏林小鳥各相顧  
哀蟬懶獨吟柴門連日閉何處起清砧



學文堂詩集卷三  
三  
秋風

看去渾無迹秋來最不平  
入林偏作勢挾雨故添聲  
莽莽乾坤裏飄飄江海情  
只今誰宋玉難得賦縱橫

秋山

草閣頻舒眼秋光動遠山  
葉疏峯盡出日落鳥知還  
柿栗收應得柴荆啟自閒  
薄雲何處宿拂袖欲追攀

秋林

梧葉初辭碧楓林漸著丹  
隨風偏鹵莽入水自波瀾  
過鴈層層影棲鴉箇箇看  
銜杯自欣賞獨立野漫漫

秋野

水勢兼沙白山容帶霧青  
高風催落葉絕岸急揚舲  
沙溼塞鴻冷村稠社鬼靈  
酒帘飄颺處昨夜醉初醒

秋柳

衰意偏堪惜飄搖入望中  
愁深還著雨舞倦不禁風  
難和春煙碧

斜臨楓樹紅休辭彈別曲  
羞澀對遊驄

秋燕

主人那不戀無奈曉風高  
此去憐傳侶相將惜羽毛  
銜泥思往夢啄草記前勞  
爲欲來年至微巢置倍牢

秋蟲

眾響亦難辨聽時首重回  
草根藏自密階畔靜能來  
月動微形冷霜侵夜夢哀  
秋聲吾欲賦蕭瑟一銜杯

秋礎

似爲秋聲助偏隨月影忙  
飄來楓萬葉催起鴈千行  
衣故猶堪戀人離倍可傷  
有誰憐少婦辛苦夜礎旁

初冬眺月有懷其年在越  
緯雲在燕

漸覺銅籌寂還看玉露輕  
此時遲暮意幾處弟兄情  
禹穴探書去昭臺市駿行  
有懷愁不寐孤月想同明

泛舟

蘭江堪信宿柔檠故遲遲白舫城邊渡青山樹杪移鐘聲沈野岸  
月影動烏棲歸去休嫌晚銜杯好賦詩

至日

憶昨逢長至澄江夜色闌只今年歲換猶作道途看律轉葭灰細  
弦侵桂影寒狂奴餘故態深覺酒懷寬是晚月食故有六句

月夜送友之浙中

客路崎嶇甚秋風獵馬驕綠尊催去鴈白髮好吹簫明月自相照  
小山誰見招此行多作賦莫負浙江潮

贈友鼓琴

世網渾無累耽幽只鼓琴指驅聲韻入老覺性情深坐去青苔輒  
聽來白雪陰漫愁相和寡山水動清音

虞山拂水山房公讌

遊俠江南道吹簫不冑還朝霞橫北郭春雪照西山入座金杯緩  
開窗碧草斑南朝羣彥在綺袖正堪攀

金陵夜赴家總戎十五讌觀女樂席上同諸子賦贈

皓月正當筵華堂照翠鈿將軍張博望女弟李延年任俠聞長信  
封侯近酒泉五更歌管歇萬騎壁門前

東郊丙舍病臥初起喜諸子過訪畱飲因示此詩

自從相別後高臥不窺園忽見藤蘿滿偏聞烏雀喧扶筇溪落木  
把酒月侵門好檢齊民術爲君一細論

五言律四

半塘夜泊假岸邊幽舍小飲同吳伯成余澹心秦畱仙鮑讓侯諸  
子用 梁大司農夫子見寄扇頭原韻二首

幽室成良讌銜杯倚蔦蘿雨餘秋色澹門外櫓聲多古岸連睥睨  
諸山若網羅賢侯能好客此會擬東阿

友道今難問相於竟得朋詩懷當一鴈杯影動孤燈青雀來吳會  
烏衣本秣陵謂澹心也中宵明月好作賦我何能

寶帶橋



西風吹日夜一棹去迢迢乍失支硎嶺旋過寶帶橋晴湖吞岸闊  
寒鴈薄雲高極望曾遊處山僧若我招

上方山今春曾遊

鶯脰湖

鶯脰湖邊望波光曉色分有村皆落木無嶺不羸雲風急漁舟避  
沙清鶴鶴羣裁詩逢勝賞真覺思紛紛

阜林驛

阜林名古驛野泊意難勝獨客愁爲伴孤舟酒作朋峯遙雲影亂  
波轉月光乘詩思何從發闌干一再凭

石門夜泊

自來崇德縣今以石門名船到中宵泊杯逢一鴈擎川雲飛越嶠  
津樹暗吳城野寺知何所冷然落梵聲

北新關夜與姑蘇客舟同泊

浙水已三宿吳音尚米船本無多道路遂爾判山川樓閣當關倚  
魚鹽走市便西湖來夜月相對自雷連

俞夢符招飲湖舫同山陰呂嶠瞻嘉善陸廣平湖心亭晚眺二首

又到孤亭畔舟移自白堤水涵天漢闢山壓郡樓低面面遊船集  
時時好鳥唳倚闌看不厭月上六橋西

莫道山誰主登臨便主人醉從丹樹落眠許白鷗親前輩風流在  
良遊意氣新狂吟斜日暮懷古欲傷神

沈繹堂太史有四面雲山誰是主題句

招慶寺

爲有看山興因來臥此樓卻逢湖上月猶作鏡中秋磬自諸天落  
煙從萬竈浮前人遺句在我亦定句畱

樂天有大半句畱是此湖之句

哇哇宕

一壑哇哇宕能傳空谷音木殘棲鳥懼月冷臥龍吟峭壁猶梯徑  
荒祠自古今山邊還縱步沽酒問東林

望湖亭和白樂天韻

倚徙湖亭上山山木葉稀長堤人不斷獨樹鳥爭歸問渡來官舫  
臨風憶布衣月鉤猶在眼忽覺雨霏霏

亭上爲林處士墓

孤山亭和張祐韻

問訊孤山寺來游愜賞心峯迴如作勢竹細亦成陰斷碣憎苔蝕  
殘鐘帶水深振衣還獨上隨處坐祇林

六橋和梅聖俞韻二首

山間孤寺立石罅小舟藏雨過千峯澹尊開一水香攜朋才浩蕩  
懷古意蒼涼慢惜前人往猶餘楚客狂

到眼多奇景臨風更拂衣湖光低雜樹城堞抱斜暉月向此間落  
峯從何處飛六橋行欲徧一棹已忘歸

竹閣和白樂天韻

到處求遺勝來遊竹閣閒平湖銜返照古屋背孤山詩向殘碑讀  
身隨獨鳥閒舍旁餘隙地卜築意相關

放鶴亭和林和靖韻

昔日孤亭在來遊入翠微檻前雙鶴返谷口亂雲歸撥棹漁歌起  
攜筐菜甲肥未能成小隱相對已忘機

慶忌塔

巨石何年塔相傳到此時死猶呼慶忌生悔識要離峯送湖邊雨  
龍吟山下池我來尋古碣登眺已忘疲

寶所塔用錢思復韻

古塔山頭立臨風振鐸鈴雨吞秋澗黑林抱夕陽青斷碣侵蒼蘚  
巉巖臥落星晚鐘方欲動湖氣歛沈冥

瑪瑙寺

山外停遊屐來因動晚鐘石猶名瑪瑙峯果削芙蓉白起沙邊鷺  
青殘雪後松老僧攜杖出日落杳難逢

初陽臺

故為葛仙翁修煉處

莫道雷仙迹神仙長在斯高臺環樹迴古屋置巔危笙鶴過殘照  
荆榛護斷碑為詢句漏令拂袖欲相隨

壽星院和董玄宰韻

獨向山邊立煙巒入暮青微颿迴北岸驟雨到南屏放鶴猶棲樹



呼猿好聽經前身誰復悟琪章滿金庭蘇東坡來遊悟前生已到此地院中匾額皆出手題

記憶一字不謬

飛來峯

今日猶飛動何疑竺國來輕雲斜出谷獨鳥怯登臺石裂松蟠古山空木落哀畱題多舊迹隱隱逗蒼苔

冷泉亭

冷泉亭上坐四面有山看樹色晴如畫嵐光秀可餐寺鐘乘晚動澗水帶雲殘欲去還依依戀何愁白露溥

龍泓洞

詭怪如何狀良工畫得無石根離地起雲氣出山孤古佛懸崖立潛龍待客呼流泉清見底竹引到僧廚昔有人入洞數里聞舟櫓聲云有老龍棲焉洞中多

石佛像

呼猿洞

偶過龍泓洞尋幽興倍增哈岬支石筍黯澹隱禪燈小塔懸雙照

寒雲起萬層呼猿行復至說法我何能晉僧慧理居此蓄白猿為侶

合澗橋

日暮橋邊立潺湲水到谿一山分作兩東澗本從西古木形如偃奇峯勢不齊酒樓招過客狂飲醉如泥白樂天詩一山分作兩山門又東澗水流西澗水

靈隱寺

鷲嶺何年寺相傳歷晉唐講臺畱鳥迹流水出僧房石聳諸峯翠雲沾萬木蒼謝公遺勝在倚徙斷碑旁謝康樂昔曾遊此有客兒亭故蹟

北高峯

儻不臨高望何從得異觀峯巒環似髻城郭綴如丸海日排雲上松濤帶雨寒眼看塵世客行路諒應難

韜光菴

到此行蹤斷猶然著草菴星芒橫海北煙樹暝江南野鹿眠青嶂藤瓜蔓碧潭危梯懸萬仞枯坐有瞿曇

翻經臺

三竺從茲始翻經見古臺清泉分竹引奇石亂雲開葛粉瀝丹竈  
松花掃碧苔道心吾自得何處暮鐘催翻經臺為謝康樂舊蹟在下天竺寺

靈鷲峯  
飛來峯頂上更有一峯奇怪石橫空立浮圖倒影垂鐘殘山鼠竄  
齋罷夜猿饑自笑江湖客幽棲未可期

三生石

青山何處是白石但稜稜合沓全無次飛鸞似欲崩一亭遮萬竹  
獨鶴伴孤僧漫說三生事無生證未曾石為唐僧圓澤再生故事

中天竺

稽留峯北寺中竺古松邊山徑亦成市溪橋不繫船有人吹鐵笛  
何處噴珠泉清絕吟詩地噉兒問酒錢

上天竺

絕頂來遊此蒼然望不窮山分湖浪碧林夾寺門紅笙鶴虛無際  
陰晴變態中上方清磬落迢遞石梁東

集慶寺

山岸初移步祇林隔道旁鳥因棲樹繞僧為種茶忙不雨花猶落  
無風徑自涼宋宮灰劫盡遺迹尙斜陽寺為宋理宗間妣建

九里松

九里松陰道從遊三竺便江濤聲欲合湖月照初圓翠蓋遮行騎  
清風拂酒船有時鱗甲舞疑醒蟄龍眠

豐樂橋

湧金門外路遺址宋家樓有客題狂句何人記舊遊湖涵羣樹曉  
雨歇萬峯秋欲問興衰事沙邊起白鷗

學士橋

湖南遊未徧小艇又相招照返雷峯塔波迴學士橋曲隄殘菡萏  
一徑引漁樵歸路何嫌晚銜杯倚斗杓

仙姥墩

美酒今難得相傳釀百花且尋仙姥宅何處蔡經家鶴渚連春草



鷗隄帶晚霞老僧頻指點山色自堪誇

淨慈寺

南屏藏古寺棟宇不知年燈自傳臨濟僧猶說大顛空階馴鹿臥

孤樹落颺懸紗帽隨風側行吟慧嶺前宋濟顛僧居此多顯神通

慧日峯

南屏峯第一慧日晚蒼蒼古寺銜幽谷懸崖俯大荒出雲過樹疾

歸鳥覓巢忙莫厭僧居寂高眠我不妨

雷峯塔

山頭蹲古塔劫火自何時日落松煙暝秋虛蘚露滋孤標凌岸迥

殘影到湖遲難得林和靖憑高共賦詩和靖有雷峯塔二詩

石屋洞

石屋孤峯側尋幽日未昏入門依鳥道絕壁動雲根松滴衣間露

泉鳴嶺外村酒瓢攜得在趺坐倒芳尊

煙霞洞

巉崖含眾嶺古洞一門高鑿壁成獅象穿雲見獼猴素琴秋澗水

清磬暮松濤讀罷前人咏畱題並汝曹

虎跑泉

猛虎跑泉出神龍挾雨來每因鐘欲動忽聽壑生哀老衲貪支枕

閒雲懶上臺兒童敲石火攜客鬪茶回

法相寺

古佛巋然坐猶傳不壞身錫飛玄鶴繞衲挂紫藤新峭谷泉聲咽

孤峯曉勢親西湖今夜月應照醉歸人後唐時僧法真棲此至乾

布漆塗飾成像即定光佛也

南高峯

北峯登已徧蠟屐更南遊煙曳高蘿暮江橫素練秋逢人方採藥

歸路欲披裘咫尺山陰道何時一棹浮

浴鵠灣

黃篋樓何在猶存浴鵠灣水窮還得水山遠更逢山雪霽漁蓑動

沙晴鳥夢閒買鄰應許我逸興恐難攀元人張伯雨居此揚廉夫懷伯雨詩黃篋樓頭仙已去

龍井亭

龍井盤旋入來過興有神峽空嘗作雨花老不知春杖挂游山屐  
藤鉤漉酒巾談禪誰復在澗水夜粼粼宋僧辨才棲此與蘇東坡友善

十八澗

九溪游乍過十八澗知名幽徑雙峯削飛梁萬壑迎石奇驚翡翠  
僧古伴颺颺前路雲棲寺還應努力行

放生池

舊是湖心寺于今號放生林疏鳥上下巖壘翠縱橫小鳥先春至  
殘村隔水明蒙莊難復作誰解羨魚情

慈雲嶺

長望慈雲嶺蒼然照夕曛苔深埋輦迹江迴動鷗羣澗水輕紅落  
山花溼翠分歸舟迷古道驚喜暮鐘聞山下龍山寺宋帝嘗遊幸

八卦田

宋朝耕藉處八卦古田形老樹鴉猶噪遺壇鬼不靈高媒壇故址蒲荒  
翻斷瓦沙走挾流星恐欲生長慨村醪醉莫醒

鳳凰山

鳳凰山麓下不見故宮畱白塔諸陵淚蒼煙萬木愁銅駝埋古寺  
石馬斷荒洲獨有湖閒月還來照上頭元僧楊璉真珮壞宋諸陵建白塔以壓諸宗之骨

望海樓

為有觀濤興西風控上游何人還射弩獨客此登樓鼇柱橫崖立  
蜃雲返照浮天涯真浩蕩滾滾月輪秋八月十八日俗呼潮生日觀者畢集

錢塘江

第一峯頭望銜杯客思饒山湖敲郭岸吳越斷江湖月冷潛蛟怒  
天清戰馬驕扁舟行訪戴漁火隔堤招

羅刹石

羅刹形何怪江流截要衝雪峯奔萬馬銀漢舞雙龍社鼓荒村急



神歌古祀恭鴟夷餘怒在遺事詔山農白樂天守郡于此  
祭江神今沿其舊

十錦塘

客中宜得暇翻爲看山忙欲到三天竺先經十錦塘夾湖天共白  
巖嶺木俱蒼無數遊人集高歌覺我狂

落星巖

有山須歷徧登頓喜忘疲塔背明湖影鴉盤老樹枝忽逢孤鴈過  
斜出一峯奇徒倚星巖側僧來話舊時

水明樓

岸幘湖邊望高樓客未歸斷雲連復斷飛鳥宿還飛蕩槳乘秋霽  
看山帶夕暉醉眠今夜好清馨落村扉

桃花港

游船朝暮集花港自泠泠雲亂浮鷗白煙添遠岫青停歌商酒政  
汲水試茶經日日歸來晚僧扉夜不扃

赤霞山

寺門閒縱步獨立釣魚磯斜竹垂冰斷癯山得雪肥酒帘招客醉  
漁火伴僧歸欲覓前人蹟荒碑字已稀

圖畫閣

小閣支頤坐看山亦快哉檻邊千嶂合湖上數鷗來遠樹迎遊舫  
疏星照客杯天然圖畫在風雨莫相猜

六一泉

乳穴孤山側名因六一傳澗從天際落崖向樹巔懸客舫移尊到  
僧廚引竹便畱連危石畔嫋嫋上寒煙

雲棲寺

到此空塵繼凭高易起悲澗因飛雨驟雲故入山遲眾鳥聲難辨  
亂峯名不知殘僧來古寺白髮耳邊垂

四賢祠

山容朝暮變一日數回看溼霧峯頭捲輕雲谷口盤高樓殊世界  
遺像古衣冠往復湖隄上吟餘拂釣竿

梅花嶼

處士墳邊路相傳卽故園  
臘梅猶戀主遺鳥尙依村  
晚汰凌湖舫秋林夾寺門  
苔痕鋪石齒隨意倒芳尊

宣公祠

宣公祠宇舊遙傷  
白隄潯立馬懷先哲  
登臺見茂林月痕銜峽小  
雲片逐湖深對面孤亭上  
連朝倚醉吟

西泠橋

湖西湖北路總在一橋分  
跨岸孤山坼穿林細水聞  
古祠殷社鼓斜桺拂溪雲  
撥棹蘇隄畔浮鷗若我羣

金牛嶺

不見金牛起猶從舊址過  
寒巖秋氣盛仄徑石稜多  
寺犬知迎客山禽解和歌  
解衣磅礴甚詩興更如何

贈相士諸遠之

術也通于道先生信絕倫  
立言存救世舉眼若無人  
舊是浮邱侶

前應姑布身還將非相語  
把酒向君詢

遠之對人輒曰相隨心轉故有第三句

吳伯成席上限韻二首

詠瓶中蠟梅

膽瓶花氣好一室散寒香  
蘂變鮫珠綠枝含箬酒  
黃金丸吹不落宮額染何妨  
珍重銀屏側無須畏雪霜

詠橄欖

傳聞多異種古幹自亭亭  
似棗形還銳如螺色更青  
轉旋千里外甘苦一生經  
諫果名原重紅鹽落未停

元旦二首

甲寅

歲從今日改春已去年來  
時序消蓬鬢生涯仗酒杯  
飛飛迴乳燕冷冷逗官梅  
喜對高堂上萱枝逐曉開  
父側兒猶在遺容覩倍真  
可憐雙眼淚又灑一年春  
粉餌含愁進椒觴盥手陳  
饑寒終歲事欲語恐傷神  
吳門寓中苦雨搗謙過談限韻



又作吳閶客僑居俯碧溪酒鳴知水漲煙暝覺天低夜逐鷓鴣舞  
風催戰馬嘶愁人何限思豈敢悵羈棲

甲寅秋暮遊虎邱同攜謙用少陵何將軍山林韻十首

百徧經過熟行吟跨澗橋秋雲沾落木寒鴈俯層霄雨向煙中暝  
人從畫裏招故交誰送酒應惜馬蹏遙

竟日遨遊好尤耽夜氣清塔高時振鐸林小恰藏鶯客枕侵紅葉  
僧廚飽碧羹賞心吾自別頻向後山行

霸業餘空址僧扉老樹支越人金鑄像吳苑劍鳴池代謝浮雲薄  
興衰宿鳥知石頭如復點應與共相披

短簿祠中坐疏林著晚花庭空羅鳥雀山遠抱龍蛇瞻拜容如接  
風流興未賒令名誠不朽當日是君家

不見真娘墓祠堂晝棟開可憐中夜月猶照故山梅別夢波俱逝  
尋芳鳥自來一坏如未泯誰與護蒼苔

石坐干人少朱闌好試泉鬪茶香泛泛沽酒興絲絲俠客爭投袂

某公開墓為生祠竟之不得

妖姬對數錢從來多勝賞不獨在山川

梅花樓左右籬菊正舒香曲徑煙初上清秋露漸涼門前千艇集  
閣後數峯藏此地容高臥何愁鬢欲蒼

可中亭外步曲澗繞深池有鳥皆征翼何人倒接羅狂懷同楚客  
清吹起吳兒轉瞬春遊日扁舟又欲隨

斷壑方收雨孤峯又出雲帶子南阮客移到北山文樹影當秋變  
泉聲逐澗分何知烽火急赤羽任紛紛

吟眺無虛日離情可奈何病從前夜減愁到暮秋多山谷遲歸棹  
乾坤託醉歌老僧休忘約得暇好重過

舟過虎邱復用前韻十首  
來自山塘畔經過虎阜橋水聲寒白舫雨勢沒青霄忽覺深秋暮

空辜蕙桂招登臨前日事誰憚客舟遙  
記得前遊日舟橫夜月清花闌方縱酒桺岸此聞鶯賽鼓春郊社

河魚畫舫羹只今吟眺處依舊寺邊行

極望偏多感輕帆枕暫支草荒前代碣鷗起故宮池山色原無定

村名半未知西風吹乍冷急攬敝裘披

幽意疏窗好盆中巧疊花勺波藏洞壑小樹比龍蛇臨做工偏苦

栽培興未除角巾誰徙倚真作野人家盆景佳者每臨摹舊人山水

小港芳園路嵐光四望開沿籬都草舍有樹半江梅朔鴈頻飛止

沙鷗自去來停橈閒縱步不覺破莓苔

久雨多鳴漚潺潺到處泉翠飛渾似帶白捲更如縣倚樹成詩句

從人索酒錢吳關游不厭都為此山川

黃花開乍歇一路有殘香籬偏秋容澹山浮水氣涼板橋孤鴈立

石洞小舟藏昨夜西風急蕭蕭落木蒼

茲鄉多水碓處處有清池卻喜觀收穫何知倒接羅捕魚驅眾鳥

爭渡集羣兒樂事田家最為農我願隨

隨意成欣賞輕帆逐暮雲每逢殊景界自不廢詩文沽酒來村畔

鳴榔過夜分鄰舟何處客急管正紛紛

數騎奔騰過飛書近若何烽塵諸路急兵象一天多報國應投筆  
憂時敢醉歌倚闌思不淺渾忘看山過



學文堂詩集卷三

學文堂詩集卷四

夫椒山人陳玉璠廣明

七言律一

元宵雪霽

依然節物近三吳  
火樹銀花夾道途  
公子自能調玉勒  
佳人何用問金吾  
笛殘綺席梅開落  
雪敞珠樓月有無  
莫是聖朝多盛事  
千門可賜大官醕

卻憶

卻憶夫椒舊草堂  
經秋風物倍蒼涼  
無邊秔稻畚畚發  
別院芙蓉冉冉香  
三徑紆迴通小港  
諸峯出沒照斜陽  
當時自擬楊雄宅  
回首兵戈路渺茫

聞鴈

水驛賓鴻怨夜分  
客心何事最先聞  
關山越境思吾土  
漁獵驚棲念故羣  
秋氣漸增樓上笛  
羈懷欲入渡頭雲  
那堪回首蒹葭外  
漠漠天涯更值君

梁氏園亭讌集二首

八月西風起上游諸公落落共登樓  
星臨錦樹千山曉天入黃沙  
萬馬秋寶瑟盡翻宮女怨金笳  
偏動旅人愁更憐嘹唳南飛鴈  
回首江鄉迴白頭

梁園高會此徘徊作賦爭傳子  
建才萬里清秋同浪迹五更明月  
對銜盃青山雲樹城邊落白海  
軍書馬上來漫向燕臺誇市駿  
昭王不見使人哀

是日曹義肩詩  
先成故有二句

沛縣道中懷古

停橈極望一追攀霽色晴霞抱  
漢關芒碭功高飛將健大風歌起  
戰場閒天橫泗水餘孤榭馬渡  
黃河盡遠山自是六龍甯王氣  
至今猶見五雲還

魯橋同張漢三遊沙洲寺見碧桃盛開

魯橋春色暮寒侵碧殿珠幢祗  
樹林地入曹溪通桂嶺人慚子晉  
下緱岑同看瑤草隨塵迹徧落  
天花散道心客到禪房僧不見  
晚

來清磬自沈沈

石佛開高閣

縹緲行宮積翠浮登臨突兀瞰  
神州青山遠竝任城落白月橫  
翻濟水流金闕飛鳥攀寶樹瓊  
臺木葉動清秋莫言王粲耽詞  
賦無限悲涼在上頭

送劉秉三郡丞署義興

雙旌拂綬指巖疆父老謳歌此  
日長家在鄜州明月下帷褰  
畫碧溪傍三春驛路垂官柳  
十里村煙出女桑自是宦遊多  
逸興郭門相送奈徬徨

聊城道中送蕭公木下第歸靖江

故人憔悴出京華歧路追隨倍  
可嗟彩筆依然工作賦青山無恙  
好還家衣沾柳絮三春盡艇逐  
桃花五兩斜若過蘭陵須貰酒  
爲言孤客尚天涯  
南皮憶弟



一自江頭賦別離  
汝兄搖落不勝悲  
可憐歧路吹簫日  
獨失高堂舞綵時  
極目黃雲橫北海  
關心白鴈下南皮  
無窮庾信思鄉淚  
灑向連枝那得知

興濟寄懷家兄其年

同君擊楫大江干  
共把離尊未忍乾  
一自風濤愁裏聽  
眞憐兄弟別時難  
雲連滄海鴻邊渡  
月落滹沱馬上看  
爾在家鄉定回首  
幾時書札到長安

望岱

崢嶸東嶽界諸盤  
翠巘丹梯百里看  
日觀雪晴先皛皛  
天門霞散氣漫漫  
秦皇松竝蓮花迴  
青帝祠臨玉女寒  
獨憶相如封禪賦  
何時東狩禮仙壇

天津

天津橋外雨蒼蒼  
有客扁舟指帝鄉  
北海徵兵開制府  
東方轉餉列牙樯  
孤城河市魚鹽白  
隔岸人家柘柳黃  
自是神京環衛地

鳳樓縹緲五雲翔

夜泊聞鐘

風煙極目迴含悲  
客在他鄉路總歧  
古寺門容春水到  
天涯愁許暮鐘知  
幾城角吹心逾壯  
一夜潮聲淚竝垂  
獨有祇林生事穩  
千峯高臥夕陽遲

九日登南陵縣倚劔臺

去年登高敬亭上  
今日登高倚劔臺  
丹嶂倍宜秋裏看  
黃花恰向客中開  
關心詩賦逢人寄  
回首家鄉望使來  
後會不知何處是  
漫漫風雨更相催

盧溝橋晚晴奉寄巢員外得陽字

桑乾之水日湯湯  
聞道河源出太行  
雨過峽驚翻絕壁  
雪飛沙冷射斜陽  
故人祿薄愁還減  
客子囊空路正長  
別後經過如見憶  
應知惆悵舊河梁

曹四孝廉枉駕見過

憶汝東皋茅舍靜娟娟雲物裏晴沙百年花老三秋暮千里江寒  
一棹斜最羨飛騰狂客態何妨畱滯故人家中宵相對須拚醉酒  
罄鄰翁更許餘

對酒獨酌得長安來信

江鄉地僻朝慵起野岸秋高雨尚微相對忽教詩興動放懷應怕  
酒盃稀每當作客憐蓬鬢一自歸來解息機不道長安諸故老官  
將書札問荆扉

丙舍

一徑淒涼子丙舍孤村荒僻少朝煙歲時伏臘嘗過此風雨陰晴  
倍可憐背日松濤吟細細到門春水靜涓涓追思祖德真難頌髣  
髴形容二十年

夜

城南城北正黃昏隱几蕭蕭獨掩門新月微茫銜雉堞疏燈歷落  
射山村白沙翠篠沾秋氣嫩蕊柔花帶雨痕不有清詩能遣興生

平潦倒向誰論

村居遲客不至

銅官山北溪水西水抱村流山勢齊雨裏綠畦煙冉冉風翻錦浪  
鳥淒淒幽居漸覺塵離眼美酒須拚醉似泥安得故人同爛熳桃  
源多恐路長迷

喜其年兄歸自如皋快讀新詩

經年旅食自艱辛聞說歸來信果真乍聽尊前烏鵲喜忽驚人到  
鬢華新敝裘風雪誠多感好句池塘別有神細咏長吟饒客思爲  
君中夜一沾巾

偶檢舊作因示文友

每思遣興一題詩竟日沈吟苦自知格到精嚴那過穩句當真切  
更無奇飛揚終覺籓籬限檢點還愁工調卑羨爾才華誠擅絕十  
年慚愧共肩隨

立春

辛丑春恭遇

大行之變故篇中及之



出門一去三千里作客長過四五春紫塞雁迴頻愴目鼎湖龍遠  
舊傷神曾憐旅食愁難減每到思鄉病果真往事于今君莫問尊  
前恐有斷腸人

又作

山青雲白震湖濱十畝桑間託此身看慣兒童忘笑語每逢耆舊  
一逡巡官梅落落傷心麗翠竹娟娟過眼新不自風塵潦倒後那  
知珍惜故園春

酬贈岳吏部華山二首

時值旱災故有四句

知君十載向風塵乘傳歸來意氣新驛路梅花供嘯咏故鄉秔稻  
暗傷神曾爲傲吏揮金椀別有才華動紫宸此日 朝廷衡藻重  
昇平獨仗濟時人  
郎署官僚崇主爵天家黜陟重司勳好將直道還清議幸得賢臣  
頌 聖君畫省春風迴紫袖龍樓曉色覆晴雲朝回倘欲詢幽側  
應念荷衣未忍焚

夜飲家搗謙齋賦贈

背郭臨流此卜居欲將生計託樵漁泥銜乳燕巢初溼月落孤篷  
影漸疏白眼放歌真潦倒清宵把酒漫躊躇知君獨有遼西夢日  
望嗁鳥到草廬

時尊公相國謫遼左

席上讀搗謙詩又贈時搗謙將北行

花發那能嘗似錦酒深難惜更如泉風牽翠帶遊魚躍水動華燈  
宿雨懸萬里莫愁行路遠百年真得好詩傳他時翹首應相憶頻  
寄池塘春草篇

天壇

立馬南郊騁望平帝宮高鎖月輪明松間想像千官肅樂觀參差  
萬籟清夜夜鬼神朝御仗層層霞綺擁雕甍吾 皇報祀從來重  
龍馭時聞出鳳城

再過滄洲寄黃雲孫

巖城樓堞鬱嵯峨千里扁舟此重過一帶潮聲高渤海萬家春色

斷滄沱酒懷真覺天涯好詩興偏從客裏多爾在江南如見憶故人今夜正高歌

南池

曾讀南池杜甫詩淒然風物尚堪思門迎濟水帆飛駛閣倚任城雁渡遲薄暮月鉤斜自動深春花氣漲偏宜我來亦有高歌與今古凭闌一舉卮

舟中伏枕書懷與程邨介翁

作賦難辭十載勞每當爲客思滔滔雷聲忽壓波濤壯水色平翻雁鶩高真爲離家愁藥裏豈因歧路失風騷年來恣意江天外敢說才名竝爾曹

雲間晚眺同徐安士賦

白苳城頭起暮煙與君同上木蘭船此行鱸膾清秋後隔岸人家返照前萬樹倒隨波影動一尊斜倚月輪偏可堪矯首孤篷外畫角連營亦可憐

青浦同友人懷古

青溪水色夜霏微溪上秋風一鴈飛平野近從江樹斷孤篷遙帶海雲歸思吳張翰情應重入洛平原事總非與爾躊躇多古意蒼茫明月下漁磯

荆溪夜泊與戴九韶

每因訪戴卽停舟更愛溪山耐滯留兩水波瀾融岸月諸峯蕭瑟帶江秋微吟漸覺新詩穩對酌渾忘永夜愁那得買鄰來此地同君蠟屐恣遨遊

贈馬將軍

少年投筆未蹉跎銅柱將軍馬伏波共羨交遊三輔滿爭傳俠氣五陵多旄頭夜冷燕山月畫角秋高易水歌天子爲開麟閣待莫教愁絕鬢雙皤

八月十五夜金陵望月

停盃時望月華新直到更殘未隱輪露濯芳林珠玉碎天銜高閣



斗牛親每因節物思前事爲挹清暉想故人一夜秦淮歌吹好偏教孤客易傷神

夜飲徐原一彥和齋中有懷公肅

時余將北上

與君兄弟重相於羣玉山頭訪舊廬古木蕭蕭丹鳥過秋星歷歷畫簾虛樽前漫數生平盡輦下應憐棄置餘若作家書須寄語好畱官釀待公車

夜宿鄒黎眉齋中偶贈

絳蠟銅槃唱莫愁當窗宛轉押秦謳金丸慣逐青絲鞵貝帶橫懸碧玉鉤雲母風微偏照夜芙蓉香煖最宜秋可知今夕梁園雪爲向鄒陽賦裏投

馬陵

無邊山色鬱蒼蒼聯絡諸峯散夕陽北枕沂州春樹渺南臨相水暮雲長煙添青嶂迷殘壘鴈起黃河冷戰場千古英雄誰豎子只今惆悵馬陵傍

范蠡湖

澄湖晴望斷平蕪卻憶當年范大夫亂世君臣猶在越異時蹤迹不歸吳一春鴈鶩常飛動中夜魚龍竟有無知爾封侯原不羨稽

山回首月明孤

地有泗水亭

舟泊夏鎮望月

一輪明月盛輝光獨惜相看非故鄉東魯天橫江雁外南徐峯壓縣樓傍亭邊磨滅畱碑碣樹杪蒼茫見呂梁孤客停橈無限意銜盃中夜正徜徉

東阿懷古

賢王池館在東阿子建風流向若何人對應劉增意氣功慚吳蜀渺山河城邊夜月銜青嶂隴首春星掛碧蘿矯首漳臺千里外知君惆悵欲成歌

再宿冉垆主人置酒爲別因贈此詩

往復村頭已數回主家猶識故人來依然舊榻容高臥更有新醪

爲獨開爛熳不知鄉思切分飛應訝客程催床頭莫便相傾盡倘  
得逢君再舉杯

康莊驛次壁間韻

康莊村舍暫停車細水孤煙逐徑斜樹湧津雲飛秀嶠鷗隨鷺鴨  
戲圓沙餐來粗糲元無厭吟得詩篇敢浪誇我亦江湖憔悴客應  
知同憶邵平瓜

汶上贈路子復

三年雁羽悵差池喜過汶陽訪舊知入郭尚疑顏色遠登堂忽訝  
鬢毛衰開樽爛熳同河朔執手欷歔問路歧獨羨鯉庭多樂事令  
人忽起故園思

將至都途中遣興

時初改制科用策論取士

歲華欲盡尚驅車咫尺長安見帝居漫許客愁消意氣敢將吾道  
問樵漁朝廷新下求賢詔天子方收痛哭書莫便草茅忘忌諱  
時艱蒿目待何如

竇店和王阮亭題壁昨過揚州訪阮亭未值

一從分手

帝城頭蹤迹天涯未易求已覺興窮揚子渡忽疑人

對竇家樓波光浩蕩千山曉筆勢蕭疏萬里秋莫道巴音工和曲  
因君白雪動離愁

寄懷文友

與爾交情總角殷下帷時與共論文一樽爛熳心俱壯十載悲歌  
調豈分漫惜娉婷偏後嫁從來駿骨本難羣只今矯首昭臺畔跋  
扈飛揚倍憶君

下第日周子倣過余寓中歎慰交至余與子倣皆已入彀子倣因  
用掃犁二字余語誤犯諱遂俱黜落感而有詩

落拓長安竝馬蹏昭臺回首悵雲泥我因顛主忘投鼠爾爲求言  
誤掃犁盛世豈真嚴忌諱微才難便辱提攜由來臣直知君聖  
倘指東南有釣溪

桃源值雨書懷



霖霖陰雲覆水濱  
鷓鴣鷓鴣近迎人生平  
詩句因春好經過山川  
著雨新賦罷江南  
添別恨眼穿直北暗傷神  
此身歸定知何處擬  
向桃源一問津

對鏡

葛巾敲側對躊躇  
歎息無庸慰藉虛  
幸不乞憐顏未厚若為遊說  
舌無餘頭岑自草陳琳檄  
淚盡因裁賈傅書  
縱說鬢毛還好  
在十年回首竟何如

村宿

村有元時碑記

千山歷盡萬山餘  
忽有孤村憩客車  
但使酒從良夜醉不妨愁向  
野人舒秋風蕭瑟來鴻雁碑碣蒼茫辨豕魚  
依舊昔年經過處詩  
篇乘興復何如

送同年潘文山司李溫州

永嘉東去聳羣山  
遙望孤城縹緲間  
幾度戰爭當地險  
十年生聚  
想民艱銀鑄煮海鹽  
千竈木筏緣灘水  
一灣好種安仁花  
滿郡政

成騎省待君還

秋村雜詠同程邨文友介眉分賦

天河

寂寞江村臥薜蘿  
遙天極望出銀河  
橋成填鵲何曾見  
石閒支機  
漫許過月落微茫  
橫素練雲移彷彿  
動清波他時隱現  
都難料愛  
殺秋光夜夜多

露

籬邊澤畔靜無聲  
忽覺中宵沆瀣清  
滴漑似凝孤客淚  
沾濡深見  
一秋情每逢青女  
膏旋結若被丹楓  
影倍明遙憶漢宮  
仙掌上正  
教雲表裛金莖

稻

負郭微田屬望頻  
喜逢刈穫慰艱辛  
除芒便覺香風遠  
落杵欣看  
玉粒新炊得雕胡  
應共飽拾來遺穗  
也堪珍江東米價  
今逾賤翻  
為官逋欲愴神

鴈

悲秋不禁暮雲開萬里蕭疏鴈恰來豈愛稻梁飛近渚相隨蘆荻  
下荒隈每因風急行難整縱有書傳到亦哀爲語繳贈須好避莫  
教孤影重徘徊

馬

秋原白草望淒迷驕馬雙翻蹄雪蹏金埒調時偏弄影玉關回首  
復長嘶難令畫手形容盡直與將軍膽氣齊何日華林歸便得君  
王聞已厭征鼙

蟬

莫恨高梧半已殘依栖還藉一枝安蕭蕭飲露心嘗潔切切吟風  
調最寒薄影巧分神女鬢微形直上侍中冠獨憐少婦關愁甚淚  
落朱絲未忍彈

蟬

八月輸芒采恰宜河邊曲斲置無遺青筐歷歷霜華滿紺甲稜稜

夜火移楊子傳經知郭索越王占陣得天時東籬菊好新醅熟興  
到頻思左手持

月餅

搜麪和麻總得嘗中秋風味况難忘雙杵盛處誰相饋十字分來  
定不妨說著吳均知妙好賦成束皙自精詳獨憐落魄歸三徑翹  
首紅綾每斷腸

客夜讀仲震詩有憶

時余在濟冀客聊城

嚴飆急雪魯東遊聊攝鄰封古濟州別緒近牽孤館外好懷遙共  
兩人畱漫爲衰白頻看鏡倘惜年華便倚樓客路苦寒難久耐思  
君曾否覓霜裘

村宿謝人送酒

落落孤村傍水斜征車停處便吾家春銜野港花如錦風入茅簷  
飮有沙已忍客愁羈歲序漫勞山叟問生涯多君送酒殷勤意一  
盞醺人自可誇



晏城同丁弋雲旅宿

三四卽用晏平仲事

晏嬰城畔草萋萋立馬壚頭落日低豈有豚肩餐欲飽恰如狐腋  
敝還攜無聊詩句因花發漸老春光促鳥嘯逆旅謾言京國事且  
教沽酒醉如泥

小至夜夢家

千里吳關望苦辛夢中渾得往還頻不知何處聞鄉語直到初醒  
是客身風入疏櫺寒倍烈月移孤榻影偏親來朝況已葭灰動節  
物催人淚滿巾

雜興五十首

乙巳秋日作

蓬萊晴色五雲邊仙仗分明簇御筵玉珮低搖香未散金莖微  
裊漏初傳伊周致主齊投袂黃綺逢時愛比肩回首先皇遺命  
在殷勤補袞望羣賢

新主龍飛播遠聲暹羅效順獨先爭久趨周室包茅貢復喜虞階  
干羽呈光祿筵開蠻舞動指南車錫聖恩榮君歸爲語諸荒服

後至誅嚴

帝詔明

伏讀春閒上諭詞征輸嚴切戒先期夙知邦本元宜固悉料民  
情更恐遺國富縱關倉廩實時艱盜任度支虧從來財賦江南最  
尤在羣公答聖思

白折名從明代沿卻教納總易輸錢產無金穴徵偏切家剩萊田  
業轉遷况復低昂殊穀價更思豐歉異時年九州賦法都平等五  
郡偏枯劇可憐

詔遣查荒下九重繡衣乘傳馬如龍應知尺寸皆王土那許錙銖  
缺上供魯甸耕耘生氣象汴堤畚鍤漫從容飭憐夙昔膏腴地力  
竭東南泣老農

吾鄉則壤古元輕加餉明初爲阻兵孰謂相沿輸國賦至今偏困  
蹙民生地形卑溼頻憂澇田舍蕭條半不耕近日撫軍曾抗疏那  
知朝議畏紛更

南郊側望樹參差玉輅金輿夾道馳報祀獨殷承統日陳茅不異

昔王時主分主合揆廷議為祔為祧定禮儀試聽景和諸樂律宗

功祖德倍堪思

景和壽和元和諸樂世祖皇帝御製

詔求方略裕深情帖括無妨永罷行博學豈須三試見通才仍使

一經明草茆宜盡乘時起騏驥猶艱顧主鳴昭代立賢途自廣

獨憐辛苦是儒生

時并三場為二用五經作論

龍蟠虎踞舊神京奉詔新標郡縣名地枕山河橫繡甸天分箕尾

列金城幽燕久定中原鼎豐沛元多故里情試接版圖回首望當

時草昧殫經營

遙聞警蹕出深宮羽獵紛馳武衛崇豈向燕山誇躍馬多因渭

水兆非熊旌旗日閃雙鵬落羅網春生一面中袞袞扈遊齊獻賦

不知何以當宸衷

三銓九品著新裁仕路偏生壅滯哀倘為官方操朗鑒豈因資格

限奇才工師本欲求梁棟駕馭何妨後駑駘歎息賢良蒙選舉十

年仍使臥蒿萊

母範坤儀四海望新加寶冊竝輝煌女中復覩稱堯舜天下咸知

繼妣姜恩重含飴真罔極躬承胎教耿難忘吾君孝德由來大

彌對長秋念昔王

大禮新成令節晨崢嶸百兩入丹宸天心久已鍾瀉泖世好何

須定晉秦彤管紀徽聲籍籍螽斯呈瑞頌振振朝餘倘問椒房

戚應念從龍本舊臣

聖主臨軒儼聖神聞將寇準問廷臣深知宋室生良相翫笑真宗

罪黨人孤注瞭然欽若謗中書媿殺契丹詢薰蕕自古元相似

朝之行看睿鑑新

詔下收錢徧宇寰本朝鑄式又新頒制從武德追元狩議採夷

吾閒賈山那比告緡違古意絕宜通粟佐時艱魯袞獨有傷心論

翹首頻思動聖顏

牙檣錦纜帝王州黼袞年年貢未休簫鼓似聽仙樂奏機絲

曾動女紅愁龍鱗日暖蒼波映鷓首江寒綵仗浮急挽孝廉船且



住為言無褐正悲秋

異卵曾聞獻冀都柘塘玉璽又稱符豕魚未泯中天迹龍馬重呈

邃古圖瑞物那須煩頌禱熙時原不讓唐虞由來尺璧知非寶

精一危微帝德孚柘塘深水縣地玉璽有人心惟危十六字

經筵章奏意殷殷沃君心藉典墳千載興亡思借鑒百王優

劣望區分還憂事蹟訛番譯遂使高卑異聽聞今上天才真獨

授可勞臣子過辛勤

金甌千載奠燕京鰲足驚翻百里聲自是災氛宜可畏每于

神聖覺多情周文罪已成隆理漢武憂時致太平地德尤居臣子

位盈廷何以佐澄清周文公寢病五日地震壓殺人

民間疾苦悉周知詔設常平徧有司應遣算籌煩積累漫容出

納任那移穀因贖罪仁兼至法重奸胥令罔欺時奉王章勤自

勉豈煩荒政動疇咨

設關初意本難忘末俗紛紜遂病商不有殿庭舒雨露幾令舟

楫斷河梁天倉額溢翻嚴譴雲署官歸詎飽颺為語備兵諸使者

新猷應擬慰君王

元公經略震堦垓聖主開疆喜借才兩表出師功竝捷十年補

袞意無猜長安忽訝台星坼佳傳應令國史裁知爾攀髯嘯未歇

泉臺欣侍玉輿迴

定朔當年睿慮詳遠人曾此覲先皇豈因中國崙門少怡喜

來王布算良累歲星躔宜昭合兩朝圭景詎參商應知歷數千秋

在朮胸盈虧總不妨班固漢書治歷當擇

傳聞千騎赴湯泉侍從如雲盡執鞭卻指臣心宜似水可知君

德本如川赤城霞氣時飄舉翠黛雲容曉接連最是盛王憂泄

邇湯盤常傲聖躬前赤城地名

逋糧疏列萬人餘數郡承恩降革初信有元臣持廟算未容廷議

變刑書東山久縱駕行臥南國誰傷泮水虛近日朝廷頻肆赦可

憐無計及樵漁

九重明鑑察秋毫驛舍深悲挽絳勞原遣罪人知悔過豈令輔使  
恣吹毛艱難道路嗟窮餓困頓官軍痛繹騷更惜良農奔命苦紛  
紜邪許雜哀號

驚傳王屋赤烏流遂爾延燒碧殿頭疑爲 聖君名欲避誰云蒼

旻意難求災思禱竈占詞驗酒賜樂巴法術優況是 盛朝興水

德應知宵旰倍綢繆

時火災  
玄極殿

黃冠承 詔意徜徉優禮會容入建章方士豈同尊漢武神仙久

欲笑淮王祗緣國俗煩推測誰謂天心定渺茫 睿慮綢繆真莫

極恩波休說濫飛翔

海滋連年禁網罟窮黎生計悵全無 王言近欲謀權變 朝議

終然慮不虞寂寂春風生島嶼紛紛夜月靜菰蒲魚龍恣意波濤

舞只有魴魚望澤濡

紛紛遠竄去荒隈忽覩 天顏霽色開臣罪豈煩樓雉贖 聖心

令勛棟梁材馮驩彈鋏歌行路虞舜揮絃望阜財翻爲官囊無長

物致煩 仁主動悲哀

長音

聖主居安慮未舒况看星象倍躊躇原無失德災何禳若更修刑

讖總虛梧掖有容陳諫草楓宸早已布寬書少微今日偏無恙寂

寞誰憐處士廬

帝城西望迴殊倫碧瓦丹甍制度新昨夜傳聞翻地軸連朝彷彿

見河濬朝廷自有蠲工例將作無煩顧慮頻獨憶遼陽寧古外生

還不識更何人

回憶今年元旦過驚看曦象一天多九烏偏欲呈堯世三舍應教

避魯戈辨色蒼茫疑月暈占時黯淡失春和 熙朝瑞景原長在

當亡寅賓倍若何

舳舻皈命海潮寒聖代乘時振羽翰漫擬楚才誇晉用應思漢法

比秦寬黃頭定協神君夢 丹闕還同義士看名器本朝元愛惜

深知 天子重安瀾

應詔陳言贊 帝謨尚書兩疏足歡呼請寬失出期平允爲恤株



連望不孛蕭相明刑情倍摯皋陶敕法教兼敷懸知 主德臣能

合目極嘯烏下國部謂龔合肥也

鄭陽自古麋羅國連歲朝廷大用兵輓粟已知諸省敝飛芻還惜

萬民生沮漳河畔雄軍壘房竹山邊斷耦耕稍喜今年休戰仗回

頭白骨正縱橫

本朝立法重逃人 帝語煌煌近更申總為從 龍功可念有令

飛鳥迹俱泯下邳豈比張良匿廣柳難將季布詢禁網莫教多誤

入普天率土盡王臣

詔書昨下採遺編加意崇禎天啟年豈謂乾坤滋論議欲令君相

慎流傳野人或有褒譏當 國法能容忌諱捐筆削信知垂不朽

主恩真擬慰重泉

傳因酷吏讀頻過父母民呼意若何縱為司農嗟仰屋忍教赤子

獎催科霜嚴自覺哀鴻徧澤竭誰憐頰尾多最是訟庭心力盡栽

花馴雉兩蹉跎

異類驚聞踞射湖察形疑是鱷魚無奔騰浪捲千村失吞吐風生

萬井呼嶺外尚須弓矢逐域中那許冥頑趨此方橫被天吳害顛

沛何由慰復蘇

朝廷兵略動如神威震溪蠻梗化民指畫烽煙消六詔區分彤險

控諸臣伏波為將盍辭老莊躋雖王豈顧身苟醬只今供不絕應

知功業畫麒麟

舳艫銜尾蔽中流水擁軍聲上戍樓奏凱不妨還帶甲論功何惜

盡封侯笳鳴夜月鯨鯢動帳捲秋風鴻雁愁郡國年年催戰艦只

今猶坐估人舟

睿主求賢側席勞升庸擬欲盡蓬蒿晉時門第途元隘隋代操觚

法漸囂但使功名伴旦爽何妨出處竝蕭曹昇平賴有諸公在羸

得詞人著反騷

中丞節鉞控山東惆悵黃河水勢窮漫議宣房堤可塞頓令淮海

脈難通挽輸此日煩籌策疏鑿平時本盡忠豈是清流將欲變暫

教濁浪卷晴空

救荒奇策在須臾坐惜文移歲月需疏入大庭嗟半弊租蠲比屋已全輸長孺矯詔猶權術鼃錯充邊亦緩圖藏富于民元有道天心何必問艱虞

矯首燕臺夙昔過故交天上羨鳴珂徐生復作金門客張子新成鏡吹歌報主憂勞知倍切懷人詞賦想應多江湖已分長搖落不解思君意若何

公肅被謫近得還職念罷新授樞曹

都城百雉勢干雲異鳥飛鳴正夜分非必定隨鴻雁嗟安知不與鳳鸞羣人因少見心偏怪物豈無名古未聞正值賈生方賦鵬京華翹首思紛紜

桂苻竊發梗難馴郡縣連年入告頻莽莽風塵暗淮甸紛紛魚鱉擾河津饑寒迫脅真堪憫法紀蕭森豈盡遵獨有感人深德意賣刀行說戴皇仁

羽客緇流媚世工粵臣佳疏慰宸衷驅除異教迴瀾倒斟酌興

屯佐帑空經著玄言徒誕妄表因佛骨見孤忠縱觀史冊英賢主

粵督疏中欲令僧道還俗開墾荒田

信在崇儒下士中長彗方欣沒斗躔俄聞太白又經天縱如熒惑宮應徙况屬金精曜本賢州野分明看不遠挈壺占驗語猶傳興王豈為徵休咎

魚雷三星意獨牽

曉渡高郵

一夜揚州畫鷁輕秦郵城郭斷殘更采蓮人憶閨中起放鴨兒從岸外行小艇魚蝦征客饌曲隄楊柳過江情鄂君繡被寒還擁散誕天涯足此生

宿遷題項王廟

野廟荒臺落日斜征人憑弔此停車相城縱未稱湯沐腐史何曾列世家成敗一時皆往夢英雄千古足長嗟請看白草黃沙畔嘗有青燐泣暮鴉

河決桃源覓渡

丁未夏日舟中作



學文堂詩集卷四  
三  
滾滾河流水氣新蒼茫隴畝徧沈淪未成宿海乘槎客已作桃源  
問渡人土銼煙銷丹樹迴荒祠日落白鷗馴從來提帚原多策不  
道哀鴻暗愴神

山店見辛丑自題之句同年汪蛟門見和

十載狂名任世呼放懷詩酒滿江湖非關作客人多感祇爲看山  
興未孤岱岳晴雲分遠岫蒙陰翠靄入平蕪往來不少行吟子酬  
唱還容舊酒徒

蒙陰道中

莫畏長途逐塞鴻驅車偏喜入東蒙淺深曲澗雙輪渡斷續諸峯  
小徑通古寺鍾傳雲樹杪荒城煙暝夕陽中鶯溪好絹憑誰畫應  
寫征人興絕工

泰安道中

探幽竄畏道途難况值清秋白露閒石磴盤紆稀見樹馬蹏行慣  
不知山卻看巒翠侵遊袂誰遣風塵上旅顏倘得一枝容我借應

忘鄉國是吳關

白河晚眺

蕭瑟金風吹暮笳蒼茫水色淨平沙淒淒荻響疑殘雨片片帆飛  
似落鴉乍覺歸雲沾樹起忽看明月倚村斜青帘颺處應估酒醉  
裏還乘博望槎

席上贈鎮江錢太守

追陪公讌正佳辰太守才華妙有神鐵甕潮隨詩思湧玉山花動  
酒杯新由來師帥推民牧况復艱危仗汝身氛祲未消財力竭昇  
平何以慰江濱

無題二首

曲巷春深睨曉鳴鈿車行處杜蘅生聽殘翠管愁如訴敲斷金釵  
恨未平妝本內家渾大雅詩成宮體最多情珠簾不捲薰香坐荳  
蔻梢頭月正明

綺牕瓊館動歌聲刺促年華竟兩更芍藥風微香窈窕杜鵑春暖

夢分明天邊白鴈情偏繫門外青絲緒暗縈人世別離原未慣况  
憐愁病欲心驚

丹陽舟中遇雨晚宿村舍同琅霞和歸元恭韻

荒村極望亂煙迷雨色空濛烏夜唳遠水斜經深岸細野航橫渡  
小橋低捕魚人去乘新漲拾椽翁歸話舊溪桑落酒香沾一醉枳  
籬茅舍練湖西

送楊陶雲謫建昌丞二首

陶雲以庶常謫

千里王程拜命趨河干執手立斯須應教臣力從茲竭敢說君  
恩較昔殊花縣寒帷元氣象金門回首漫踟躕匡廬彭蠡風煙在  
暇日憑臨好自娛  
奉詔歸來效隱淪幾年寥落暗傷神喜將詩卷消閒晝未許江湖  
作散人 聖世那曾嚴譴謫通才原不憚風塵君家藜閣應無恙  
還待當時侍從臣  
同元恭游廣陵訪天士蔣墅村中畱宿齋閣時天士亦有失怙之

痛

斜日輕風訪戴船故人家在重流連酒傾佳客狂吟健書滿高樓  
縱目便共作孤兒偏獨歎同爲遊子倍生憐麻衣淹淚淒涼夜未  
忍從君共醉眠

飲梁溪吳伯成明府署中出前人咏物詩索和席上同諸子分賦

用原韻

銀蟹杯

郭索橫行氣本雄良工鑊鍛倍玲瓏豈真有骨從胎換誰謂無腸  
對酒慵紺甲那如銀甲好青筐翻遜玉筐工燈前彷彿乘潮上欲  
采何須曲籩中

銅鶴爐

華表歸來素質遷羽仙誰遣作銅仙欲尋舊夢長回首每憶前身  
暗自憐引喚那從求故侶乘軒還擬問當年由來不食人煙火只  
爲含香意渺然



轆轤

枳籬茅舍傍銀牀纖纒沈鉞繫不妨轉去卻如長命鏤牽來還似  
九迴腸綺欄周折西風冷玉手殷勤少婦忙最是月輪垂照處每  
教聲影共徬徨

線板

女紅日日意相牽賴汝周旋度歲年信有冰絲能宛轉可無檀板  
爲纏綿相隨刀尺消閒慣收拾香奩着意憐展得生綃成繡未幾  
回翻覆袖花邊

霜瓦

朝來寒氣逼人寒繡瓦鱗鱗半欲遮青女由來能傅粉綠楊何事  
又飛花玉樓月漾容難辨銅雀煙籠景倍嘉憎殺朝陽渾妬慣不  
教畱影向窻紗

筍籜

嫩筍抽芽箬漸刪深林風捲似迴環含時不散湘雲影解處偏畱

珠淚斑葉葉恍驚緜卷在絲絲都在粉痕閒誰人欲遂幽棲興裁  
翦爲冠致自閒

七言律二

孤山見林處士放鶴亭遺迹

獨上孤山興不孤况逢遺迹是林逋當年景物依然在于爾詩名  
得似無合杳亂峯銜返照飛翻羣鳥狎明湖他時倘遂幽棲志應  
爲先生餉鶴雛

岳王墳

日落明湖一棹開掘衣先上岳墳來忽教涕淚沾華表未許笙歌  
徹夜臺斷碣字含青史恨諸峯煙鎖白雲哀當年宮樹燒燔盡獨  
有南枝首尚回

岳廟旁見隗義士碑

隗名順獄卒也負王屍潛瘞九曲叢祠後  
孝宗時太學生程弘謔王冤詔徙葬此山

岳廟東偏古碣畱摩娑獨立荒邱忠魂那料諸生慰義士翻從  
獄卒求草色尚凝當日淚湖光不洗舊時愁回看嶺上牛皋墓風

雨橫飛萬木秋牛鼻墓在棲霞嶺上

偕同門臧介子攜尊登湖心亭高閣

湖心亭上好攜尊高閣凭臨共友昆嘗向波閒隨鴈鷺不知山外

有乾坤霜凝萬樹丹初落雲捲諸峯翠可捫莫為鐘聲催去棹無

妨滅燭更畱髡

遊小輞川館故為王叔明畫樓同臧介子用倪雲林韻

村邊木落莽蕭蕭小艇輕移傍汶寥尚有高樓遺往迹况逢佳客

共今朝湖含夜月東西影山隔秋江早暮潮最是狂吟吟不盡日

斜回首又停橈

斷橋晚眺用白香山韻

十錦塘西散晚霞斷橋合沓俯平沙丹砂欲覓仙人井仙人井為

處丹白鶴猶尋處士家林和靖故宅在孤山舟艤好遲前浦月酒深催放隔籬

花從來幽興原無敵醉眼長隄阜帽斜

大石佛寺遊眺佛像半身依山鑿石而成

閒隨野老共扶筇古佛歸然第一峯便欲藏身同宿鷺可知見首

是神龍明湖影散干楓葉斜日聲傳萬壑鐘聞道隔林多桂樹倘

能招隱定相從輞川館有古桂四株相傳宋物

雪霽遊智果寺用宋僧參寥韻

殘碑猶臥佛樓前乘興來遊乍霽天鷗宿似因尋舊夢鶴歸何處

認新阡煙當入暮青浮岸雪為遮山白映船回憶參寥遺句在依

然湖水靜娟娟

四照閣晚眺

一徑招尋歷翠微登臨極目已忘機山當斷處煙初合日欲斜時

鳥未歸幸有酒懷隨地遣不愁詩句此閒稀望湖亭畔梅花嶼好

覓林逋舊釣磯

過蘇小小墓用小小詩韻

當年樓館已塵埃郎跨青驄空復來眠柳似憐隄畔舞好花猶傍

塚邊開歌殘別浦畱晴照夢逐平湖冷夜臺為問西陵松柏樹蒼



然明月可堪哀

舟自蘇隄六橋至白隄六橋

一湖中斷兩湖連前輩風流蹟並傳三竺曉迷丹嶂雨六橋春動

碧隄煙歌當起處停遊屐醉欲眠時好放船倚檻不禁詩思發綸

巾鶴望意翛然

鳳林寺和車玉峯韻唐長慶閒僧圓修居此有鳥巢其旁遂呼鳥巢禪師白樂天守杭時嘗與談禪

臨眺空亭倚石欄舊時遺刹數峯閒但聞鳥語難逢鳥已到山頭

尚覓山蠟屐遊人雙足健談禪太守一官閒前林無限煙光好斜

日輕舟未擬還

錢王祠

錢王祠對鏡湖澄碧殿丹甍自昔矜日落猿鼯侵石馬夜寒燈火

仗山僧十行碑記元功在萬弩潮聲壯氣增廟祀千秋應不改只

今誰是宋諸陵

白馬廟

鉅鹿潛行南渡初崔君白馬事非虛應標義士忠臣傳豈入齊諧  
志怪書斜谷霜蹶驕汗血荒祠燈火伴樵漁鳳凰山下江濤壯昔  
日曾看帝子居宋高宗走鉅鹿路歧莫知所往忽有白馬導之暮至崔祠見上馬汗如雨假寐夢君以杖擊地促行  
白馬復導至斜橋谷會耿南仲來迎馬忽不見高宗命處處立廟祀之崔名子玉唐貞觀時人為洛陽令  
伍相公廟

秋色蕭森落木哀伍公祠廟枕山隈懸崖雲氣含愁溼隔岸濤聲

帶怒來樹暗吳宮迷舊苑煙浮越嶠隱荒臺行吟何限傷懷抱爛

醉旗亭濁酒杯

和鄒九揖絕糧詩并贈

斗室支離意不平朝來釜鏗已塵生難思辟穀逢黃石倘許封侯

定夏羹膾有青氈休便質橫餘白眼倍傷情朔饑雅勝侏儒飽且

莫愁吟到五更

莊淡菴太史蘭語軒蓄歌姬處也閩蘭忽發並頭數本索題用原

韻

名苑由來發異葩雙心同蒂自交加應教螺筆描成譜疑被仙妹  
唾作花玉露含時香不散絳紗蒙處影非遐塞芳初佩知誰屬醉  
倚闌干太史家

寄答王北山給諫

毗陵城外曉停驂對酒春山興頗酣此日詩篇誰伯仲當年諫草  
爲東南交情于我真難得別緒因君最不堪自笑荆扉成懶計驚  
看書札到江潭

北山曾爲江  
南糧事抗疏

贈周生花燭

錦幄銀屏夜未闌簫聲欲散鳳樓寒寶爐煖藝沈香火珠勒初歸  
白玉鞍佳婿麗才堪射雉美人芳氣合吹蘭鬱金堂上催妝客風  
調周郎醉裏看

五言排律

金陵僧舍客興贈宣城劉文學用少陵寄劉使君四十韻

王氣當年互雄都自鬱蒸岷山朝紫禁萬派入金陵逆旅驚商候

高歌仗友朋登樓天浩蕩落筆句蜚騰曉露披丹樹明河見碧繩  
巒青煙易沒湖白鏡俱澄劉向才無敵陳琳價豈增藜燃紛擊賞  
檄草媿聲稱猶憶萍逢日相與絳座昇船迎千里雁嶂插九霄鵬  
再玩雙橋月三餐兩水冰雙橋兩水俱在宣城村喧野碓歷歷動漁燈是  
處伊人在當時作賦能金杯齊爛熳白社好趨承絨珮看流輩鷓  
鷃驗物徵揮毫誇吐鳳攬臂欲呼鷹出處洵難料文章信可憑淒  
淒風雨過悄悄夢思凝騏驥行何適雲霞志足矜衣冠安質樸窮  
老耐侵凌十載開三徑孤峯轉萬層追隨余敢後壇坫爾先登半  
榻兼愁別中宵數寢興驪駒傷不盡梁月苦相仍尺素緘還寄墳  
笺吹自應長睽移甲子復覲御車較原韻重增  
今擬改較盤曲聞迦貝杳冥  
長薜藤汝來因結客我到漫探僧身入珠林貴頭蓬烏角稜胡爲  
依狗監祇合問魚曾太甲藏華蓋深淵履戰兢名慚車騎尉才忝  
義烏丞顧盼思驥裏升沈類奕枰卞哀形慘澹賈憤劃鴛崩北闕  
心時繫長干几再凭原韻重矜  
今擬改凭君王誠大聖疏放未全懲感激嘗



投袂艱難重撫膺且吟詩過日頻勸酒如澠海內饒兵革江頭滿  
弋矰祇園生計穩慎勿咏青蠅

奉呈劉成庵先生十二韻

夫子金閨彥詞場起大名門風推北府閭近東京犀角凌雲健  
龍文歷塊明片言皆頓挫數語必嶒嶸最羨流灘煥平看製錦精  
經山馴雉麗練水玉琴清時先生為丹陽大令賤子離奇質遭逢月旦評桐  
焦雖尚爨劔匣已長鳴淪落嵇中散蹉跎陸士衡雙鵬秋始下匹  
馬夜知行鐵甕潮聲合雲陽樹色橫酬知虛照乘感分只霑纓

贈夫椒高鍊師養沖

羽客居林麓煙雲望裏平高情白玉杖逸氣赤霞城冠作芙蓉秀  
衫裁薜荔輕丹書憑甲乙方語辨辛庚葛井神仙住吳宮花草生  
瀟泉長帶月搗朮尚畱鐺紫府臨風落金庭傍夜明琪花如早發  
極目太湖清

金陵述懷贈賀文學用少陵贈王二十四侍御四十韻

意氣推吾黨艱難共此身時時開白眼往往閒清塵苦憶遊燕日  
羈棲御苑春昭臺違奮袂易水暗沾巾鵬鴞驚彌健鸞龍迹詎淪  
猗與傷樞驥悵矣結懸鶉交態蕭疏甚儒流蹉跌頻五噫聊自詠  
一顧儻驚神我友歌行邁他鄉話苦辛三年滯東魯五月離西秦  
闕里瞻歸殿璜溪想釣綸囊空詩自滿匣佩劔嘗親恥入桓溫幕  
羞稱庾信臣禍機紛已伏讒柄宵難馴貝錦當春豔蜉蝣刺眼新  
鷓鴣棲未穩蕙苴謗成真豈必夷吾貴何妨原憲貧無辜慚縲紲  
矢志託松筠寬活承恩日微軀祝網辰嗚烏雙闕下湛露九天勻  
會面嗟深墨盈頭漸比銀世途皆鳥道家計足鷗蘋死別誰知已  
生還得故人短歌悽入夜長路去經旬夙掛陳蕃榻羣依孟母鄰  
高堂誠有子鄉黨更畱賓綠醕搖燈幌金龜媚席珍千秋同土著  
數武判城闔寧直如桑梓從來竝齒脣董園花寂寞蔣徑日蕪榛  
觀穫椒山峻投竿震水濱以茲舒倦翮深解息勞筋白飯抄雲子  
嘉蔬薦野蓴屢邀樓上臥驚擲井中輪世事雖難問江湖敢忘勤

秦淮迎彩鷁鍾岳對佳晨賴有心期古常教友道瀆賈生方賦鵬  
尼父漫悲麟海闊心俱壯天高志可伸無窮今昔意攜手重相陳  
無題

昨夜玉樓寒修蛾獨自看金篝羞暗抱冰柱爲誰彈意比蠶絲亂  
嗚憐鳳脰殘綠葱生巷陌紅豆落闌干鈿雀和愁鬧釵蟲帶恨安  
秦簫方欲寂沈帶諒應寬

客夜鼓琴用工部贈裴南部韻

客意憑誰寄悠然自鼓琴音偏繁微羽調勿犯匏金明月中宵好  
青巒四野臨響憑風色定指入露華深自覺衣襟豁何愁旅思侵  
求凰遺韻在無復茂陵心

謁仲廟恭賦

古廟儀型肅先賢俎豆存萬年成土著百里匯洙源艤艇觀瞻竦  
登堂仰止尊衣冠垂碣石棖棟竝乾坤賜第明君澤仲夫子家距  
此三十里明  
廟高祖建  
廟于此圖容宋主恩廟有宋高宗  
畫像勒于石松杉環戶牖烏雀聚朝昏山勢

龜蒙繞河流濟潔飈神靈憑一室苗裔散千邨丹艘隆昭代簪纓  
迨後昆世祖新  
封博士慚爲齊魯客欣入聖賢門樞拜聲容屏賡颺敢易

論

同虞掌叔自鉅野趨定陶贈馬明府用少陵贈韋左丞韻

歲暮趨巖邑風塵壯大儒形容霜雪犯筋力道途須老馬征人坐  
他鄉阮叔俱麟臺思孔蹟陶俗見堯衢鉅野有獲麟臺  
定陶古堯封地袞袞遨遊  
地駢駢况瘁夫故人官此地遷客慰窮途籍甚懸公望猗與媿小  
巫作歌形慘澹獻賦意躊躇潔白三年守神明萬姓呼乾坤公等  
在吾道豈榛蕪

贈兗州盧別駕濟如署曹篆十七韻盧由吏部司務歷戶部員外

郎左遷別駕

籍甚金閨彥聲名遠近崇郎官應列宿天子繪屏風主爵銓衡  
當持籌會計充以茲臣力竭彌荷聖恩洪詎曰遷由左羣知道  
已東青齊稱沃衍赤子藉帡幪別駕才無敵司曹體自隆杜樓居



召父

充州有杜甫樓

孔里誦文翁屬邑風俱偃曹邱澤更豐人人欣借寇

處處望乘驄花夾莘城種琴伴單父工丰稜推子幹家世重盧仝

策蹇慚佳客登樓識上公鷹鷂思奮擊裘敝苦飄蓬歲月一陽復

乾坤雙眼空公車停異縣偕計逐征鴻 帝里行相俟仍看入紫

楓

登德州城用少陵上白帝城韻

落拓羈東郡登臨俯北郊邨邨勤播種處處急編茅舟觸驚鷗夢

風高落燕巢煙籠新柳岸春入舊花梢涉世如朝露班荆罕漆膠

請看西逝水深覺壯心拋德州河水西流

過平原有懷舊令王韋菴用少陵古城韻

乍辭燕道路復入魯山川天白荒邨外春青古岸邊平原城郭在

遊子夢魂牽憶昔經潘縣曾停訪戴船悲歌增意氣遷謫負材賢

何限臨風思徘徊芟舍前昔予至平原時王已被謫

再過泰安望岱用少陵西城晚眺十韻

客慣經過熟峯奇眺望頻石根懸不落雲氣動如神梁父迴環秀

徂徠蔭帶新煙霞添媚景城郭散晴春玉洞雷霆鬪仙壇烏雀馴

觀高時見越松古尚稱秦斷碣畱文字深谿想釣緡嶺邊垂斗宿

山下臥麒麟無復登封迹猶思作賦人憑臨何日事翹首意相親

淮陰舟中詠懷奉寄張樞部董侍御兼呈揚州司李王阮亭用少

陵夔府百韻

今夜南歸客經過淮水邊往還天萬里惜別路三年離緒牽春纜

愁心繫客船飛騰真不遂牢落最淒然萍泛蹤無著鶯嗁歲已遷

臨流工灑淚行路續成篇水過黃河淨鷗當古渡圓釣臺思國士

鉢嶺見江天落日牛羊散占星箕斗偏城高低列岫海晏若平川

斥埃邨邨置旌旗處處懸柳花飄似雪荷葉小如錢風景從來麗

煙花最可憐岸連隋苑樹水接蜀岡泉憶昔車曾過當時屐幾穿

獻書欣奮臂偕計喜隨肩會應賢良詔依然弟子員詔臺傷往事

易水悵前緣叩闕心期壯談經腹笥便搔頭悲慘躓翹首泣烽煙



投筆謀非左籌邊著借前龍翔瞻雨露鵠立豔神仙取士途元廣  
求言 旨更傳董詞期激切賈涕望潺湲以是孤忠奮因之百慮  
煎八閩猶毒螫三楚尚腥羶羽騎辭京國將軍捧御筵分馳掃蠖  
蟻盡力逐鷹鷂會見羣凶靖應令眾惡悛盱衡看彗孛消息問艾  
鋌董子邦家幹張君樞要權用兵能不測封事少拘攣竝荷 君  
恩重俱難國憤蠲漫須歌止武不事諫遊畋碩畫安危繫崇班翼  
戴全烏臺今突兀棠舍昔旬宣桑梓推同氣 朝廷仗大賢長才  
時賦七佳客坐盈千尊鱸思休發江都相孰先長安名浩蕩禁闥  
袂聯翩每聽絲綸詔頻聞解阜絃同寅洵共濟一德擬忘筌 聖  
世材應爾賢臣頌得焉黑裘甘落拓粉署沐周旋濫濫杯俱綠超  
超箸又玄英聲矜入洛藻翰展歸田謬爾推驚坐叨君許惠連樽  
添桑落美膾益錦鱗鮮幘岸嘗看劍吟成欲倚舷唱酬搖彩筆往  
復賴華牋似此交情摯其如別思牽嵇懷原曠達阮路奈迤邐莫  
惜隋珠棄真悲下玉捐楚宮腰盡如燕市淚成漣去矣喧車騎歸

與望澗瀟簪纓

未連阡夙鄙馮驩鈇難先祖逃鞭耕

山隨鹿豕釣瀨翫嬋娟草閣曾題鳳天涯任珥蟬葛巾堪漉酒布  
被好裝綿白著當年恰青鋪舊日瓊無聊吹鐵笛誰復贖金鈿蔣  
詡餘三徑楊雄只數椽桃花臨震澤馬蹟倚峯巔詩思令人瘦頭  
風望檄痊高文羨黃絹狂態匹青蓮閱世蜉蝣羽驚心霜鶻拳罪  
罪恆賦雪潑潑但歌鱸頗愛門爲蓆何妨坐與羈石泉鳴細細竹  
溜引涓涓半頃隨時佃疏籬不用塢幽棲容養拙塵紉謝糾纏吾  
道全憑醉人情那勝眠垂紳誚江總逐角笑苻堅臧否子何別芳  
華世自妍忘機魚泳沫解意鳥飛翾賤子還憐否諸公尚勉旃  
皇朝寄心膂勳業赴星躔經自傳劉向刀須贈呂虔數言匡社稷  
百族望陶甄聽過豺狼避師行疾苦駢慎求麟閣畫好著阜囊編  
地位清逾峻天心望各專官方明比鑑玉道直于弦恰幸逢 新  
主無爲學贖禪堯天長共祝伊訓得真詮駿足猶思冀新春便去  
燕風塵催老大日月懼崩騫淮海帆初渡邗溝景復延楊垂迷繡



岸濤噴迴飛涎蜀嶺荒臺射隋隄叫杜鵑兩邊峯秀潔一帶水滌  
漩先達官司李相逢侶倥佗升沈途自異離別帶重褰興到頻浮  
蟻詩工類刻為文章宜罕敵筆陣總無愆名姓瑯琊播謀猷金石  
鐫倦遊人落落芳草暮芊芊對子心彌厚憐子體更孱登龍慚下  
士刮眼冀衡銓

過石塔寺用孟襄陽總持寺韻

錦江餘晚照石塔俯春華鳥散空庭闋魚跳細水斜小山浮禹廟

寺傍為禹廟有浮山故蹟弱柳賸隋家塵拂禪無乘潮迴地有沙金銀光黯淡

竹柏翠交加已覺忘塵世還看雨瑞花

王阮亭席上送劉刑部公敵還潁州用岑嘉州送王少府韻

每到入將別銜杯興更酣華筵盈坐客粉署挽歸驂奏曲紛霓羽

論交款盡簪月痕依水榭草色上春嵐陳實三無愠嵇康七不堪

承明君果厭蕭瑟任江潭

除夜述懷

有引

甲辰杪冬侍 家大人居姚邨丙舍改厝先王父大中丞宅兆  
基以去年潦倒燕臺今日得承歡膝下悲喜兼集爛熳成詩值  
歲序已窮因曰除夜述懷云爾

日月玄枵會陰陽暮景遷崢嶸冬歛杪煦燠氣將還索蜡過迎虎

謠風罷獻研文魚融沼沚芳萼逗櫛栴守歲兼分歲迎年復送年

辛盤三廟始椒酒二人先爆竹流風習驅儻古禮傳癡獸兒解賣

商陸火頻燃伐鼓干邨急藏鉤一笑嗎燈前人隱隱澤畔響齧齧

漏斷聲何歇烏飛手不卷已知頒正朔卻喜佩玫瑰瑞蠟炬春田爛

街衢宿飯捐打灰索如願祀竈說張單著戲溫庭別觀圖俶祚延

唐宗垂詠富賈島祭詩虔展卷猶堪誦當歌孰比肩執戈三鬼避

畫虎百凶俊各有文堪據因之俗尚沿吳儂紛餽問楚舞愛輕猥

休晒懷貞娶思操洪矩船鎔金忻得鳳照水婉生蓮曹景雩真誤

臧童病忽纏罕窮今古事總覺歲時遒疇昔逢茲夕羈栖正客燕

昭臺掄駿裏駿骨迴驪駟一顧邀青盼千金重白驥本期逢伯樂



自擬說方歎輦路祈增價雲可望備員揣摹錐激烈洗眼涕潺湲  
行路難雖惜乘時願早堅冀許宵旰顧想濯楚江羶時值西兵萬姓  
征輸迫諸方獻納駢用兵謀詎左足國計非偏慘慘悲替雁紛紛  
笑跼鴛以茲三策對未免寸心悃忠愛吾深竭吹噓若最便翻緣  
多切中竟爾太拘攣璞許藏深櫝材艱涉大川劉蕡淒落第祖逖  
競先鞭彈鋏長安道歸耕震水澶只將詩度日直令酒爲泉白用  
嗣宗眼青餘子敬擅文章嘗篤嗜筆墨邇逾專已見蒲鞮破還俾  
木榻穿素知宗孔父只恐銷輪扁糟粕誠何用才猷奮竭倦凌雲  
饒意氣伏慙歎迥遭世有相憐否余其慎勉旃回思成往事重此  
悵前緣落拓應吾道蕭疏穩嘯眠昔悲遊子地今返故鄉天借問  
人生樂何如骨肉全雙親都嬰鑠一室竝周旋有弟連枝竝隨兄  
綵袖聯塤篴吹自合棠棣詠毋謾每悼其燃荳堪嗤鄭克鄆孝經  
曾細讀名教想無愆曾閔偕人子苟何耿昔賢景行彌永矢周道  
本如弦罔極恩侔昊承歡力盡綿大倫扶屹屹小信薄鷓鷯近日

親嬰疹經年體更孱掛冠非得已嘗藥望全痊北渡長辭冀南游  
阻入滇家君除瀾滄道未赴還山耽寂寞釣瀨翫清漣臣子冤終白皇天理  
未玄夢迴趨走地目斷聖明前禁掖聆天語微班捧御筵功名圖  
報稱民物佐陶甄兩入秋卿解三持樞要權提軍旋奏決明允當  
司圜獄較蘇公敬心如列子痛舉朝崇汲黯奉使得張騫掩涕看  
囹圄陳師若蜿蜒春生回黍谷矢控絕蛟涎帝曰吟鳴鳳欽哉  
詔珥蟬馮唐官調矣阮籍路窮焉賦稅身何負親朋垢莫湔半生  
居薄宦一日棄中涓渺爾丹宸麗猗與粉署妍悲歌堪續九愁緒  
莽盈千袖拂清風去帆依濁水旋陳平門是蓆季子坐仍羈自顧  
無家產焉從乞俸錢生涯憑荷鋪蹤迹寄鳴舷秋仲初辭淞春殘  
繼赴岼山川紆往復雨雪耐顛連豎子相乘至頭風匪易蠲參苓  
交屢服米穀近纔咽砂欲尋句漏游期侶偃佗有兒殷請代吾母  
倍情牽善會羸提說長持般若篇當機參柏子解意悅嬋娟七祖  
傳燈溯雙空妙諦詮儻非超上乘空復坐臞禪苦迸塵緣累愁虛



證果圓轡閣分早暮截髮治肴館帳設環徒眾居遷離市塵宣文  
 名籍甚孟母教精研媿乏潘安志工修班固編他時辭遠鮮今日  
 任遺鈿熊膽丸調劑護花背鬱芊老親誠聖善小子敢便嬾德薄  
 祥難致思深帶重拳拾樵區黑白懷橘展褊褊杜子投魚異曇恭  
 進果鮮是皆能孝感而我獨心懸祖墓重營兆高堂瘁牝胼十年  
 移舊窆數武即新阡樹益菱溝陵碑移野廟塢松颯號石馬瓦雀  
 避香煙再見棺迎紼雙瞻柏有旌旌銘故開府車載古輪輜老僕  
 還悲咽諸孫悉痛傾高低山布勢左右竹成篔簹龍耳安題湊魚燈  
 滅水漣麻衣人慘澹華表鶴蹁躑上下翻旌蓋續紛列豆籩蒸豚  
 陳几席醲醴奠栝棬惆悵聞蒿薤傷心泣杜鵑殷人尊故鬼漢臘  
 紀行躔祖德洵難頌孫謀信足鐫恭惟我王父往者立花塼少小  
 才英挺平生貌謹顛先猷嗣仲舉近世溯陳瑄拂塵霏珠玉安貧  
 衣葛絰讀書知大義條議及中邊辟易霜鷗健傳呼驄馬闐四朝  
 匡社稷一語贊坤乾國仗司喉舌人曾指脇骭麒麟愁桎梏狐鼠

劃摧擗辱罵貂璫貴糾彈帝寢嬋權豪齊卻步浮誕悉相挺世好  
 工齊瑟公盜逐鄭畋哀江羞庾信學彈鄙韓嫣簡溼長沙淚威加  
 石勒拳陽春原有腳夏火詎無燂別上賢臣頌叨頌團扇箋先祖  
蒙賜團扇寅恭咸協德吁咈愜忘筌久被周文化時聽虞舜絃入為君  
 輔相出作世藩宣宦蹟畱閩豫官方飭渭汧仕途心落落王道履  
 平平翻覆牽黃犬蒼茫異紫駟亂離偏汝漢盜賊盛罕开朝議推  
 元老宸衷宵幅幘誰人優借寇難治矧懷甄欲濟思舟楫求材屬  
 杞梗詔從京國至帷向洧溱先祖自大突遣奇兵出那虞精衛  
 填燎原徒燭火蠢動只蠕蠓涉水搖青雀登峯跨紫驄牙璋飛特  
 將白刃冒空拳相彼荏苒弄猶之燕雀翩行增虞詡竈筑擊漸離  
 鉛設策同晁錯徵兵遣士雅上方明賜重諸將奏功懷小醜成孤  
 注雄風扇八挺堂堂除猘猢赫赫鏹鯨鱣謀士如雲集戎衣帶血  
 濺爭誇龍矯矯行賦蠋蝓凱奏銜杯酒功收戢矢淵築壇酬燕  
 虎饗士擊牲牲鳥獸狂奔散黔黎痛削股世衰方逐鹿歲歉又書



螺洲外憐鷓鴣城頭叫鵲鵲脚躑躅驚草木凜慄問戈鋌煙斷家家  
火禾荒處處佃相逢比鳩鵲失計捕鱖鯿劍指三千客時違九十  
宿籌謀窮借箸饑饉忍看瘡兵況呼庚癸民何望廩廩劬勞黧面  
目憔悴絕絃絕積俸爰分給斯民起什蹟簡編森烈烈存活詎莛  
莛誓墓文孫媿含飴曩志淵承祧追百祀捧檄盼三銓困頓靈辭  
懶疏狂竟類顛橋邊蔣詡宅渡口子雲椽無過編蓬葦奚妨劈蕙  
樓溪平鱗泳沫簾觸燕迴翹愛殺邨容澹貪觀水溜潺元龍氣湖  
海屈子賦筵筭爛熳庭投轄芬芳客贈荃鋤瓜煩辨色刈麥漸生  
稍小翠盈堪把浮紅護恐薦陶潛接離倒買誼穀衣縵對俗凭烏  
几揮犁瞰黑鍵彈琴頻俯澗判竹近盛篙楊柳池明媚藤蘿樹蔓  
蕤艤幢隨白水兵革任先零聽世呼子猷由人謂我猿絃絃笑臧  
否截截畏言諷聊以清同濁何妨玉溷硤鹿從名是馬夔喜說憐  
虵縮地方難得談天淚欲泣連旬覘彗孛時值星變翹首訊璣璿甚慮  
纏于軫翻憂隕作碩朝廷修省切草野譏圖環止合嵬東井胡爲

射女媮傳聞始吳會分野互陳鄕敢代天書志姑驅馬涉巔春融  
光靄若霞舉致軒然梅蕊稠光福松陰矗善卷香風吹浩蕩秀色  
宵綿俗挈伴由來喜踰時便可憐莫因妻子累聊溷豕羊跼人世  
如駒隙江山等埴埏元宵偪燈火寒食近鞦韆節物喧都邑煙光  
散野曠翱翔拚極樂榮辱漫睨啟戶鷗拳靜蓬頭鬢髮鬢黑裘  
披季子黃蝶感張蟻張蟻詩年長驚黃蝶魚網溪頭設茶鐺穉子煎畏聞天  
下事長種墓傍田孰出關隨李誰令壽比籤勞人徒草草遺視屢  
矚矚年命逢除滅寒威逐曉竣挑燈無限意何處可求仙

上魏相國用少陵上韋左相韻

舜日迎和律堯天煥景春九重資翼贊萬象沐陶鈞謝傳蒼生望  
長孺社稷臣兩朝翔彩鳳四海識祥麟銓鑑名原重阿衡業更新  
廟謨方接武苛法久除秦濟世才無敵高文體絕倫前賢傳得統  
小子學知津虎座崇師表鵷班挺縉紳滔滔潤湖海奕奕撼星辰  
鸞翻疇相竝龍門孰與鄰好賢越姬旦驚座愧陳遵脰管堂前樂



佳肴席上珍論詩沾契合飲醴沃清淳豈獨承光寵行知免棄淪  
品題榮片語尺牘眷長貧落落悲秋客淒淒行路人敢誇燕市駿  
不異草茅身振拔能無意文章或有神臨歧陳短咏感激涕盈巾  
奉呈龔大司馬芝麓先生十二韻

當世推耆德方州仰鉅公盛猷存宇內華胄冠江東位列三台宿  
文開一代風傳家敦孝友經國本和衷霖雨蒼生濟帡幪士類宗  
提衡郭泰竝模楷李膺同都憲聲名舊秋卿事業隆祥刑仁主賴  
弼教士師崇共賀高門慶俄專武庫雄彤庭得司馬甲帳想維熊  
節制嚴諸路籌謀裕閫中輝煌鐘鼎在仁視勒元功

贈朱籌樓司理用杜審言和李大夫存撫河東四十韻

西楚英豪振中吳氣數遷昔悲歌猛虎今喜力回天質信凌霜雪  
材真老歲年紫陽隆望重翁子大名傳潔白若冰鑑神明誦澗漣  
異時敷政遠吾地沐恩先綬向蘭陵拂帷從罨畫懸一庭垂雨露  
四境接人煙重以金閨秀兼之岳降偏潛沱千里匯閩閩六朝賢

位應郎官宿名成弟子員于門高駟馬仙吏下樓船回憶垂旒主

重開燒尾筵

公舉已亥進士

兩年聯造士雙闕豔登仙鳳詔雲飄渺鶯聲

樹接連賢臣王子頌宣室賈生前矯首恩長在攀髯思黯然忍膺

新紱冕欣對舊山川器屬三公望才驚十倍全每能耽嘯詠渾不

事威權經擬傳劉向羶如坐鄭虔高文散霞綺佳句拂星躔鸚鵡

擎華讌麒麟產玉田丰姿矜入浴駿足暫辭燕賦羨庾開府詩酬

王仲宣飲醪人覺醉滅燭興逾堅紅袖頻相把青雲倍賞延從親

飛彩鷁佐理卻囊錢先祖曾官楚尊君定比肩兩家元孔李三徑

有園廛季子貂猶黑楊雄草自玄叨君騶從過愧我席門邊汪度

工埋照清言歛轉旋似忘官是李但飲酒如泉恰遇懸弧日恭爲

酌兕篇歲星知隱此玉案望投焉濟濟聽謳祝紛紛恐棄捐門生

蹤絡繹赤子態翩翾已驗輿情愜還思主慮牽江南十萬戶終

始藉陶甄

倒押前韻贈吳三十齊賢



詩文千古事誰許共陶甄日恐風斯下心為作者牽浮名看鹵莽  
 舉世喜翮翮雅調宜何屬騷壇豈遂捐定能推我否況復有人焉  
 勝絕延陵裔佳哉朝請篇豔如花覆錦清比石流泉好句疑楓落  
 高歌令斗旋賓邀西閣上家寄北闈邊雙眼工為白交談讓獨玄  
 襟懷自湖海蹤迹但郊廛夙有臨池興行隨古彥肩揮毫全用肘  
 買帖不論錢草體神飛越蠅頭法遂延與吾痴嗜癖輸爾力披堅  
 憶昔相於結名園淑景宣恍同舟泛剡渾忘客趨燕時余將欲北行庭榭  
 喧棲鳥池流引大田叢篁穿石窟老樹閱星躔杯愛銜袁紹刀思  
 贈呂虔狂餘吟不倦愁破酒持權最羨先人業于今奕祀全園創于尊  
 大人草猶憐故苑柳已抱前川五桂枝長望三槐迹宛然若翁真  
 裕後我祖竝光前薦鶡名相亞搏風翅接連先祖與尊大人同榜雷陳交有  
 道郭李望俱仙念舊瞻佳客忘年醉綺筵回頭驚落月握手重乘  
 船紅袖聊凭檻黃麻想備員昂藏燕市駿瀟灑竹林賢吾道蜚騰  
 入微才泛愛偏莫愁頭似雪一擬氣凌煙賤子嗟多病良朋意久

懸渴憂司馬甚檄荷孔璋先時齊賢有每每詢醫藥時時過澗瀾  
 深情紛感激贈草藉流傳自笑沈疴日翻俸獻賦年七哀消歲月  
 八詠遣秋天共汝追風始休悲世數遷

題丹山碧海圖四十二韻奉祝高念東先生六表

聖主垂衣日賢臣俾父中山川出雲氣朝夕現星虹景入熙朝麗  
 光涵畫錦融畫圖榮壽域地望寫和衷學擅金闈富文成玉匣雄  
 摛英看吐鳳卽技不雕蟲鳴鶴聲聞上搏鵬背負穹典型堪顧問  
 遭遇果優隆燦燦天心浩溶溶日色曛賦詩清暇好經術講筵崇  
 精一疇咨地稽詢則裕功沃心惟汝礪錫宴擬彤弓黼黻從周禮  
 昇平載國風明刑知弼教喜起自熙工尚憶臺班冠無如陞立恭  
 觸邪昂首豸司直表羣驄畏簡勤靡盬焚香達 至聰棘槐皆妙  
 選喉舌共推公湛溢承盤露分明照膽銅爽鳩偏賜氏放鴿為開  
 籠六宇銷封豕三吳軫澤鴻普天均化育元老廓包蒙雨布由膚  
 寸神遊極太空桂枝攀窈窕椿樹仰青葱縹緲層霄裏汪洋大壑



東丹青名不朽蓬島思無窮浪拂扶桑翠波升始旭紅鼎爐光閃  
爍樓閣影玲瓏列嶼煙霞迴環瀛氣象同那為誇壯麗直與入鴻  
濛迹繪良工苦詞慚哲匠逢頑金資鍛鍊砥石就磨礪照水森森  
柏朝陽萃萃桐流輝積愈厚至德養彌冲鳥意欣來樾魚情樂聚  
莢併包天下士思效一人忠堯殿瞻雲近虞廷翊運洪拜符陪維  
渚問道接崆峒合響來羣玉飛觴會藥宮上庠尊秀髮當亡景方  
瞳盛世敦風切仁人食報豐期頤溯黃綺丰采映宸楓

贈吳無錫伯成用少陵寄供奉二十韻

聖代含香令如公得幾人才名推北渡膏雨浹西神

惠山名玉潔西神山

官方貴簾清民隱伸古風渾不讓雅量許誰倫廣厦開來悅宏猷  
誦作新銅鞮紛奏曲冰署迴違塵朝請詩原重延陵派本親宗支  
都在眼著述等于身舊澤萍鄉遠遺棠屈產真魯邦欣借寇沂水  
劃生春譽望超羣彥風流煽四鄰只今材愈老較昔宦尤貧下走  
離奇甚神君顧盼頻生申逢降嶽歌杜想勞臣介酒觥稱兕張筵

脯進麟平鈞頻聽夏朗照若懸秦蕭雉馴芳沼王臆舞令辰賢良  
朝議屬政蹟 帝庭陳拔擢輝綉綉謳吟慰海濱食恩慙罔報翹

首向龍津

來悅樓名作新贈詩集名

贈鄭靖江山公用少陵贈蕭使君十八韻

夙昔仙班吏于今帝簡臣名高殊地望才老合風塵視草應前席  
褰帷屬要津豈徒花競發直令雉俱馴湛露紛興頌汪波潤里鄰  
雷陳交有道孔李誼逾親似我知誰數如公得幾人遭逢心浩蕩  
感激意酸辛詩賦瑚璉器文章廊廟珍小儒宜沮色大雅自扶輪  
傲吏元強項神仙是謫身掄材駿裏集較武虎羆新人繼康成後  
家居閩水濱向來推月旦相對拭衣巾良讌傳杯日華堂度曲辰  
尊前欣卜夜江外望餘春作客子還健為官爾愈貧柏臺相俟久  
早晚欲批鱗

詠月和元微之三十韻

今夕是何夕開簾愛素輝一句姿淡宕長夜魄希微春色偏舒豔



寒光任作威。臆櫛形悄悄。砧杵影依依。照水魚知樂。穿枝鵲欲飛。  
長征悽故壘。小住惜空幃。來去弦頻仄。團圓望可幾。星垂芒掩映。  
雲捧勢崔巍。桂子難飄樹。蟾蜍不鎖闈。白偏迷塞草。紅訝冷芳菲。  
露濯青銅鏡。波翻碧薛衣。稜稜橫古渡。鼎鼎散春圻。舞榭遲瓊讌。  
閒庭弄玉微。霧濛宜濫濫。煙溼故霏霏。鷗夢搖池影。花容射竹扉。  
匡牀連蟋蟀。曲徑響蚍蜉。客興狂遊舫。詩懷入釣磯。謝莊看欲賦。  
阮籍醉無歸。喜躍占重珥。須臾偏九圍。參差對睥睨。繪畫想旌旗。  
莫訝空輪碾。曾蒙竊藥譏。四時環世界。千里靜郊畿。盈滿天原息。  
光華意漸違。金尊須重倒。玉露已將晞。寂寞征夫曲。遲留織女機。  
欺人顏屢減。催我髮頻稀。繡嶺迴秦女。空江泣楚妃。鮫珠何處失。  
卞玉豈知希。人世徒虛幻。皇天亦是非。誰能諳此意。試與問瓊璣。

和李長吉惱公五十韻

此生惆悵甚。辜負謝娘紅。春繭纏千縷。真珠灑一叢。思同蟬鬢亂。  
恨比鴨爐濃。感遇抽花屣。消魂擲翠筒。霜欺城上草。浪打渡頭蕩。  
何日騎金犢。當年贈綠蟲。菘菹心叩叩。梔子態茸茸。日照牙牀煖。  
風和蠟燭融。有人彈屈戍。不語下屏風。望去天邊月。移來水畔蓉。  
幼能工蹴鞠。閒只倚薰籠。杏帶飄如蝶。蘭房小似蜂。簪從春勝鬧。  
衫許白羅蒙。往事時噫雉。新妝閒買寶。才華爛繡虎。機智解當熊。  
朱鳥搖簾額。黃蛾污襪弓。隨兄吟舞雪。嗔婿問流虹。妝學孫家壽。  
詩源崔氏峒。幽期入夢壓。豔札背燈封。柱撚箏中雁。梳盤髻上龍。  
蓮鈎敲蒜玉。繡瓦落丸銅。賈女靈輕笑。潘妃妙有蹤。峽帟央母畫。  
鴛被泥郎烘。愛好調鶯管。消愁種鹿葱。街坊鄰紫萸。門戶對青楓。  
搗玉裴家杵。塗金晉室墉。于今柳已折。憶昔李曾穠。歌聽龜年李。  
詞傳延巳馮。兩心堅鈿合一諾。訂絲桐。結帶情何極。擊箱願已從。  
終希依寶幔。詎料隔雕櫳。紈扇悲長信。楊花撲永豐。病軀頻忌麝。  
齋日但餐菘。姑母嫌追婢。王孫吝與僮。可憐傳錦鯉。不見躍油驄。  
無那碑生口。長將淚洗容。餘生嗚杜宇。再世學盧充。夫已逢山下。  
人誰置伍中。香焦那可竊。髮短不堪鬢。纂纂徒歌棗。怱怱漫賦卬。



虬膏寒易滅魚鑰杳難通太息三年別蹉跎百事慵傾城靈再得  
縮地儻重逢沈約腰偏瘦江影膽最怙秦樓傷命薄蜀肆看年凶  
苦慣嘗黃蘗歡猶記紫宮宋王原有婦潘令漸成翁珊枕勞子寄  
紅綿謝爾縫天從何歲老情是此時鍾十丈金堂路苔錢鋪碧空  
再和惱公倒用前韻

閨情今夜賦髣髴似司空擣藥迷靈杵偷香怕禁鐘蝦鬚還自織  
蛤蜊更誰縫辭漢仙爲狄和邊主是翁江偏愁衛玠花不活秦宮  
入破聲非吉將離讖本凶未言腸已斷便夢膽猶怙憶締釵頭約  
曾經簾底逢地衣圍最煖蠟淚埽常慵鈿扇恆潛值花廊每暗通  
分明神出雒何羨客游邛銀葉煎龍腦金花拂馬鬣閣旁袁大捨  
堂後顧宏中度曲梁堪繞能文棟易充女中曹子建梁世阮修容  
貴主乘青犢檀奴駕錦驄詩還教小婢約擬訓家僮翠翦時裁絳  
雕盤偶薦菘弟初官協律卿豈是安豐顯達珠名宅班家綺作櫳  
寸心期不負兩小願相從密誓堅填海私盟戲翦桐姑云三妹蔣

父是萬金馮記爾傾城豔猗歟絕代穠恰宜翡翠館絕稱鳳凰墉  
愁岫惟凝竹芳痕好染楓雙鬢生曉霧十指削春葱唾處脣堪嚙  
酥餘手試烘畱仙帚有縫奔月步無蹤屈戌鋪紅玉呆恩綴白銅  
羞郎呼落雁愛爾善雕龍一自秦樓臥誰知函谷封人猶居結綺  
箭已上崆峒促坐饑餐黛狂歌氣吐虹畫眉消歲月傅粉避刀弓  
自我遲開雀聞君別夢熊恩情消翠的涕淚溼花寶但使心長戀  
何妨謗暫蒙采蓮應得藕食蜜莫嫌蜂玦向今朝斷紗看異日籠  
願爲比翼鳥期作一枝蓉鐫骨星前語消魂林下風窮途悲阮籍  
解印盼玉融百合初生子丁香漸長茸淒涼蠲忿草辛苦叩頭蟲  
月姊寒依桂江妃夜采蘋奩蛛牽象盒樓鳳下金筒溫嶠緣難再  
元稹恨自濃交因中表慣愁爲別離叢想像櫻桃帳含嗁曼臉紅  
贈丹陽張大令十二韻兼示趙湯二文學  
碩望崇山斗雄材挺縉紳四郊濡大澤千里被餘春天下稱良吏  
朝廷仗老臣登龍誠素矢投筆意難馴夙有長卿病兼同原憲

學文堂詩集卷四  
貧裝囊秋草外裘馬暮江濱仙醴邀賓醉霓裳度曲新座中紛感  
激客裏忘艱辛趙子連城壁湯生部下民酒懷俱絕妙詩興竝如  
神交合慚流輩恩霑見古人獨愁今夜別何處奉清塵

學文堂詩集卷四

學文堂詩集卷五

夫椒山人陳玉璣廣明

五言絕

黃河

白鴈橫丹嶂黃河走黑沙日行三百里兩日卽回家

同汾州傅史二文學飲酒樓

月色照高樓樓頭碧樹秋何人夜吹笛莫便是伊州

別弟

共爾連枝萼那堪遂別離況逢寒食節又是月明時

烏夜啼

綠柳拂長隄枝頭烏復棲可憐八九子夜夜五更啼

都門送友回南

相看忽不樂起立前致辭明日江南去淒然酒一卮

閩門舟次與汪處默

三月浪花平同歌燕市行莫教思往事已覺不勝情



舟發江陰十絕句

曉發青山門青山渺何許漸遠青山城方見山青處毗陵北闔為青山門

秋水碧于煙澄泓復如鏡鏡裏一舟行野花分岸映

蟹斲中流截舟過劃有聲夜來茅舍裏辛苦一燈明

官塘橋外水半畝角菱池稚子窺人去蓑衣欲採時

當年無賴事是處柳橋陰不見當壚者無須更鼓琴

將入蓉江地村名漸不知眼看深樹裏一一問舟師

日落孤篷外經過秦望山一徑採樵路兒童驅犢還

忽逢故人來艤艇斯須立明日到吾廬為語山邊別時遷靖江同年徐仲宣過

吾邑

離城十餘里水痕高數尺不見暮潮歸但覺舟行疾

二更到蓉城城頭月正明三更酒家臥五更城下行

夏宮怨二首

金屋流螢火銀牀冷翠苔君王何處是知幸避風臺

夜靜絳綃輕秋河殿角明西風猶未起紈扇尙多情  
相逢行

繫馬青樓下嬌嘶白鼻駒春風畱不住楊柳正藏鴉

曉行示客

作客盡吾徒征車逐隊呼一燈明滅處立馬問當壚

聊城登光嶽樓

危樓壓嗟峨拂袖一高歌不見魯仲連搔首將如何

過倬雲齋

金風正颯然高興發林泉一夜孤兒淚三秋客子船時倬雲有失怙之痛

登東平城樓

舊是須句國千山爽氣開繁星搖洞壑明月到樓臺

望雪

直覺兼天白山形竟不同相看添逸興騎馬路難通

雪溪步法雲菴

雪溪初進艇移步法雲菴花覆邨容換波平樹影含  
古廟

樞衣瞻古廟獨立一徘徊樹色參天起山容入殿來  
太倉白菡豆

菡豆無奇種惟茲重海南色于銀更白味與蔗同甘  
同原一登玉峯

諸峯積翠開木末做樓臺把酒一長嘯天邊白鴈來  
虎邱

重來汗漫遊西風攬翠裘不見吳王墓門前水自流  
送友赴襄陽任

攬轡志澄清春風送爾行襄陽諸耆舊應折使君名  
溪上

春遊屐未閒幽意正相關試看雙溪水全浮斷續山  
再渡高郵湖

殘月銜虛岸新荷冒畫船珠湖凝望處景物記當年  
題曹渭公半山樓

高樓水一涯痛飲屬吾儕日日有山看應知半亦佳  
山行

山在虛無際泉流斷嶺傍千盤迴馬首雲白曉蒼蒼  
荆溪野望

極望野漫漫秋高白露團水從雲外落山作鏡中看  
送友

燕舞春風老鶯呢御柳斜離筵當別路歸去卽仙槎  
夜泊蛟橋

信宿蛟橋側孤舟去住難莫愁前路遠已覺客衣單  
贈友

佳客翩翩至風流白接離羊車真可羨官柳正垂絲  
旅夜同丁弋雲酌酒



逆旅高朋共邨醪醉不休漫言京國事相對恐生愁時與弋雲同出都門

示友  
雙劍何時合荒城此別離我方為病客君竟作孤兒

除夕  
身世誤悲歌天涯奈若何年年當此夕回首歎蹉跎

訪友二首  
小港槳聲寂深林塔影侵鹿門有遺侶斜日為招尋

山斷白雲續樹含疏雨秋故人家在此一日幾回遊

嘗新米  
新穀春纔得爨煙生樹林連年詢米價直賤到如今

行吟

溪水兼天白楓林夾寺紅行吟自欣賞木葉下高風

哭徐五燕

桃葉聽歌處秦淮載酒辰只今成涕淚相憶自徐陳

呂城

明月照西京旌旗望裏平纔過蕭纘宅又到呂蒙城

客過

青尊聽雨夜白馬渡江時樹冷曉鳥急秋宵正賦詩

登太白樓月下有感

帆卷孤城外春生萬井邊謫仙搖落後明月更誰憐

峴山

茗水繞東關遊船出峴山山頭攜酒坐山下騎馬還

小盤陀

遺迹說東坡風流寄興多山邊一片石名熱小盤陀

松江觀龍舟

城畔水溶溶龍舟集五茸榜人鬪歌起楚些變吳儂松江名五茸城

吳歌

吳女好高髻過額一尺強妝成攬明鏡日色將昏黃

揚州元宵酒樓作

節物盛揚州銀燈汗漫遊金吾夜不禁不醉不宵休  
贈妓

含笑復含愁當壚意態畱畫闌斜倚徧何處是迷樓  
月夜渡江

明月照輕橈天空冷夜潮大魚負船走河伯氣不驕  
贈人

相逢酒壚邊意氣最翩翩豪飲不知醉傾囊攤酒錢  
懷友

蕭瑟且銜杯天涯首重回春風如昨日又見野棠開  
江南思

慙徧天涯路鄉風處處諳三春隄畔草翠色讓江南  
蟋蟀

持燈照蟋蟀聲出草露中如何偏帷幕徹夜只愁儂

偶感二首

銀缸照不眠把酒淚潸然那忍看紅豆分時又一年  
春郊遇小車隱隱繡帷斜猶記褰珠箔春風白鼻駒

雪夜聞鐘  
鐘落雪方起雪深不住鐘有人方醉臥繫艇板橋東

七言絕一

天津橋  
天津橋上江鴻愁天津橋下海水流多少行人騎馬過不到長安  
不宵休

楊柳枝詞二首  
憶折南枝首重回將離欲贈復徘徊東風一夜人何處只有楊花  
水上來

春日垂垂滿道傍和煙籠月碧絲長天涯到處關愁思生在隋隄  
倍可傷



都門送友人南旋

故園花信滿疏籬寄與春風總不知君到爲予頻問訊江東芳草月明時

高郵道中

殘驛孤城大道邊海門寒峽上青天一從旅夢三江遠無數鄉心萬壑懸

嶧縣

雲連鉅野千帆外地入彭城萬嶺閒無數飛鴻南向去可堪嘹唳到吳關

絕句

花落江頭燕子飛行人春日換春衣依稀昨夜殘更夢夢到江南春已歸

偶贈

永夜紅樓做玳筵雲和斜抱落花前聽君唱罷吳趨曲不爲含愁

亦可憐

送友

一簇征帆帶曉霞郵亭西去盡平沙錦裘猶道無顏色白雪爲君更作花

揚州病中屬寄家信

共拂東風過酒壚無邊春色散平蕪君歸儻對高樓問漫說他鄉有病夫

送寧國焦太守之任

江鄉遙指一麾輕醉擁驪駒壯爾行舊是才人遊宦地知君不減謝宣城

舟次青縣憶季聖昭先入長安

城邊河水接滹沱日送離人雙槳過爾到燕臺回首望交情方覺別時多

中浮橋見遊女跨馬乘舟競渡

蘭橈畫槩不勝情白馬紅裙照水明最是銷魂金屈戌回看環珮  
迴無聲

至日

兩年至日皆爲客至日今年始到家世路那如三徑穩青山無恙  
一尊斜

題畫

石壁寒苔照水晴雲封落木似層城樵夫莫漫出山去前路崎嶇  
不可行

題捧心圖

嬌歌豔舞未歸吳薄倖空羞范大夫試問蘇臺承寵日捧心還似  
舊時無

月夜過金山

擊楫寒江月正斜江風吹處度琵琶蒼茫雲樹知何極隔岸揚州  
十萬家

洛陽邨感舊

卻立溪頭思黯然桑麻如對故人憐風塵閱盡畱三徑離亂重過  
已十年

平山堂

平山杳靄碧雲流登眺空餘鮑照愁二十四橋渾莫辨獨畱明月  
對揚州

登響山相傳爲嚴子陵垂釣處

空山木落亂雲秋聞道嚴光繫釣舟我來不見垂綸者惟有寒江  
天際流

登敬亭山

夾道凌空碧磴懸萬家城郭入烽煙餘霞此日還如綺謝朓風流  
倍渺然

荆溪竹枝詞

溪畔秋光檻際收山頭春色鏡中畱珠簾十二閒常卷人識儂家



梳洗樓

聽歌

檀板紅牙度曲妍翻教愁思入尊前自從沈醉筵後畔不忍聽歌已十年

水仙

素質亭亭想若邪水晶簾畔護輕紗曉來和露和煙看疑是南朝玉樹花

過揚州

寒花蕭瑟點征途十月孤舟一病夫見說隋宮遺址在雷塘春色尚存無

都門除夕二首

獨為守歲住京華酒醒難尋夢裏家縱說春光應不遠東風那得到梅花

柏酒椒盤亦自宜尊前潦到一題詩百年渾欲今宵減萬事難容

此際思

夢家

一為遊子便無家南望江天鴈影斜夢裏不知身在客蒼茫看徧故園花

戚姬邨

戚姬邨畔暫停輪土鏗方炊麥飯新苦憶漢王宮裏事只今無復豔妝人

途中偶見

翠袖紅衫結束新纖纖攜手過東鄰回頭欲聽羊車語笑指蕭郎是路人

冰釋

嚴冬不道比春和遙憶江南暖更多一夜東風冰盡解舟人驚喜下黃河

城邊

城邊晚渡競相呼渡口漁人撥網罟買得白魚長二寸也須一醉  
酒家胡

寒食見楊柳

落拓還家敝黑貂依然歧路又吹簫可憐處處皆芳艸豈獨傷心  
是柳條

清明

春光何惜暫遲迴節候催人亦可哀路上紛紛都插柳呼童也折  
一枝來

渡滹沱河

滹沱之水勢如雷舟子招呼不敢開我有花驄渾是膽昂頭一躍  
過河來

王祥故里

平原日落徧蒿萊憑弔遺蹤獨上臺一壑冰池千尺水邨人爭送  
孝魚來

俗呼臥冰池  
內魚爲孝魚

和王阮亭治春詩二十四首

我到揚州春色闌柳花如雪飛成團眼底紛紛何足數昔日故人  
今作官

故人作官詩愈富長篇短句皆吾師昨日紅橋修禊事復爾新成  
絕妙詞

紅橋之記今古絕紅橋之詞天下知人到紅橋齊下馬添得揚州  
無限悲

阮亭有紅  
橋詞記

南皮高會悵蹉跎詞賦全輸數子多我急買舟追勝賞風煙無奈  
故人何

遙憶雷塘畫舫移諸公袞袞共銜卮此時余在長安道也作清明  
寒食詩

輕紅橋水出邗溝水到橋頭著意流兩岸竹籬開面面名園新作  
酒家樓

東城女兒顏如玉西城女兒顏如茶相逢爲問東城柳可似西城



綠也無

法海寺邊草色新朝朝暮暮去遊春玉鉤斜畔閒經過懊惱隋皇宮裏人

隋家天子住揚州種得垂楊滿御溝莫道風流今不見蜀岡從古是迷樓

斑竹屏風金屈戍小秦淮口照逾明上有玉人垂手坐慣聽遊子唱蕪城

一更燈船俱已集二更燈船分外多三更四更猶不絕二十四橋光射波

邗關芍藥多于菜處處街頭喚賣花揚州女兒渾好事買得一枝分壓釵

茜紅衫子石榴裙昨夜新將鵲腦薰莫怪春風太無賴衣香原不厭人聞

桃園十畝破春顏無數遊人坐樹閒見說遠看花更好移尊都到

小金山

竹西亭子舊曾知卻憶當年杜牧之歌吹只今猶未歇齊唱揚州司李詩

一船出港一船迎打鼓吹簫無限情復有一船先繫纜四條絃上鬪新聲

紛紛都著白羅衣剛在山頭掃墓歸怪殺淚痕收未盡便將尊酒對芳菲

茂之先生八十餘山陰呂生方上書杜陵老叟大作樂五言詩句百不如

頴川豪飲不知愁酒肆攤錢竟日畱醉擁吳姬同躍馬平山堂上恣行遊

何遜揚州舊法曹梅花詩句擅南朝于今復有王司李羨殺桐花調絕高

家兄才思久無敵一到情傷語更妍昨別阿雲無限意每將圖畫

索人憐

阿雲冒氏伶人其年為作小像

十五當鱸態最都西昭小字說姑蘇逢人便展鄒郎扇還憶鄒郎

好在無

西昭姑蘇妓也程邨贈扇

十載相逢舊酒徒呼鷹挾彈儘豪麤衷腸欲盡不能盡鬻酒一聲

明月孤

有酒欲醉君莫惜有詩欲和君莫憐今日逢君官閣裏明日別君

瓜步前

為友人題畫

兀坐垂綸意渺然枳籬茅舍綠陰邊憑將一幅鶯溪絹買得青山

不用錢

新豐二首

有引

距京口五十里曰新豐丙申秋余維舟于此買醉鱸頭題詩壁

上有蘭陵多美酒終不及新豐之句今北旋艤艇復到酒家悵

然有作

憶昔維舟古岸邊新豐酒家時醉眠于今復向鱸頭過一飲還拌

三百錢

酒帘高挂石橋頭少小經過復壯遊莫怪主人頻笑客十年還著

敝貂裘

江上酬半雪兄見懷元韻

落拓天涯任所之池塘佳夢慰相思自憐吟興全然減不獨君山

九日詩

原唱有遙知紫蟹黃花節獨上君山賦一詩之句

泗水亭

輕煙斜日水淙淙泗水隄邊起暮鐘芒碭已無雲氣見猶言亭長

是真龍

石谷同重其過訪送之秣陵兼寄櫟園先生三首

學士方從邗水至恰逢二妙亦經過茅堂竟夕淹畱坐都道相思

別後多

石谷借袁重其至方樓岡適在小齋

潦倒袁生走道途養親無計每長呼憑將負母看花句為寫丹青



入畫圖

重其負母看花  
同人多贈詩

我昨驅車白下行司農忘分不勝情儻然見憶煩相訊只說傷心

為董生

文友謝  
世傷之

梁谿踏燈詩十五首

月澹風微玉漏催相攜行過子城隈縣官堂上張燈火不禁民間

子女來

袞袞兒童短袂牽蝦燈隨後傘燈先不愁絳蠟渾難繼仗有前宵

押歲錢

慧山浜口賽燈船打鼓鳴榔響徹天恰似當年陳水戲星毬蓮子

撒波圓

古詩誰將萬斛金蓮子  
又須與一點小星毬

十丈朱霞耿莫收神龍天矯碧溪頭聽來金鼓喧闐甚不到天明

不肯休

何事東風著意催梅花恰傍美人開香街到處拌狼籍珥墮釵遺

拾去來

捧罷霞杯進玉盤搜成粉米恰如丸題糕啖餅尋常事獨喜團圓

此夜看

元夕渡粉為糰取團圓意  
王珪詩君王又進紫霞杯

石門樓閣九龍腰點點星燈入望遙每夜常明原不滅倍宜今夕

是元宵

石門峽名常  
明佛前燈也

兵船已過估船停三老長年醉不醒試看帆檣高挂處九枝蓮炬

亦熒熒

笑語分呶大道邊酒樓斜出縣樓前天涯到處誇泉釀偏在家鄉

不值錢

空祠古屋走龍蛇此地相傳泰伯家白項老烏呢不歇摩娑雙樹

一燈斜

黯黯傷懷弔古餘停驂不覺重欷歔一坏黃土千秋在石塔還名

專設諸

黃鬢白髮劇堪憐昔日何戡本少年莫為琵琶輕一撥頓令哀怨

入尊前

許生以  
琵琶名

紅燭如山夜未央  
留髡千石競飛觴  
敬亭已老蘭亭去  
頭白聞三

此擅長柳敬亭朱蘭亭皆以說書名聞三亦擅其技  
冉涇橋口記前遊  
舉師師顧盼畱擬向綠窗重密喚月明悽殺

舊妝樓  
市上誰乘白鼻駒  
梨園子弟屬秦嘉  
十番昨夜教新譜  
雪腕吳兒急鼓搥秦封君所畜歌兒絕佳十番尤擅名

盆梅  
盆梅攜自虎邱來  
嫩蘂稠花汗漫開  
伴得春鶯烏几側  
不教風雨

暗相猜  
有憶十首  
記得紅闌夜倚時  
雷塘楊柳正如絲  
于今縱使渾無恙  
已為蕭郎

損一枝  
玉簫金管木蘭舟  
念四橋邊汗漫遊  
獨有小蠻偏厭聽  
妝成垂手倚珠樓

第五泉  
烹陽羨茶窗前  
攜手看梅花  
只今花發人誰見  
辜負春風到若邪平山右第五泉

學成新曲繞梁塵  
檀板銀箏按自勻  
春水溶溶春閣曉  
當時曾有聽歌人

我亦能調綠綺琴  
非卿誰說許知音  
何須定鼓求凰曲  
愛殺鱸頭意早深

蛾眉嬾畫粉  
輕施握管能工妙  
好辭小疊蠻牋珍  
重看淚痕溼透那曾知

臨行私贈台懽襦  
纖手裁縫染淚珠  
不道沈郎消瘦後  
著來渾比舊時殊

離別如何不可哀  
秋殘冬盡又春迴  
自憐莫比妝前鏡  
早暮猶能看汝來

尺素因風強自裁  
不堪愁絕望鄉臺  
離情豈似邗溝水  
流入江頭便不回



清暉一望蜀江寒上有呆愚照碧湍縱說刀環應不遠只今誰與倚樓看

前題有見和者因復用原韻十首

十二雕闌獨倚時碧窗花影漾新絲章臺近日偏憔悴怕遣東風到柳枝

曲曲屏山好艤舟春衫爭換試春遊愁人慣負芳春約不卷珠簾閉小樓

汲得新泉愛品茶佛幢頂禮又拈花自從生長蓉溪畔無復人間有若邪

螺筆輕描技絕塵數行題款格停勻草香花片偏慵寫多恐春光解誤人

涼月空階獨鼓琴自成新譜少知音春風何事吹音去耐可花陰懊惱深

懶慢何心粉澤施蠻箋重疊寫新詞從來薄命偏才女說與旁人

總不知

年來不著合歡襦衣帶溶溶溼淚珠嘗把菱花呼小婢个中應比向時殊

渺渺芳魂楚些哀思親真覺寸腸迴溪邊一帶烏穠樹只有嗁鶻夜去來

爲製銖衣手自裁裁成非復上妝臺本將鍼線求生活擎向朱門去幾回

黯黯孤檠照夜寒雨聲初動碧溪湍挑燈細詠愁人句我亦愁多未忍看

前題十首

不知今日是何時滾滾香綿舞碧絲可奈病餘心力倦對人無語倚花枝

幾灣春水送輕舟記得溪邊是舊遊急喚榜人舟且住試看斜月倚珠樓

遮莫良遊去鬪茶無端惱亂一春花依稀昨夜花邊棹行過前溪  
便若耶

怕將蹤迹問風塵孤館閒宵雅思勻佳景便逢難著意一生拌卻  
喚愁人

牀頭擁膝慣橫琴欲寫芳情仗好音怪底朱絃能自解恐教哀怨  
入更深

憎殺紅裙厭綺襦雙鬟那復綴明珠天然絕世誰堪竝除卻名花  
看總殊

重重屈戍錦茵施小倚屏風曲致詞近日新歌都拉雜天涯能得  
幾人知

將離欲折意堪哀咫尺蓉湖數往迴最愛多情雙燕子年年飛去  
又飛來

魏毫頻向綵箋裁細墨新詞著玉臺鎮日珠簾慵卷起不知花落  
幾多回

午夜深沈玉漏寒山泉曲曲俯清湍枕函釵落聲偏膩應有巫峯  
逐夢看

前題十首

九十春光過幾時可憐愁緒正如絲綠楊輕襯妝臺畔未許他人  
折一枝

碧水青山映綵舟相逢疑到玉清遊不知底事關心甚剗襪旁皇  
上畫樓

洗盞新嘗廟後茶鶯驚窗外幾叢花沈吟花底看難厭此種翩然  
似若耶

冰心原不染纖塵爭奈雙蛾蹙未勻拾得烏絲書細恨幾迴生怕  
落他人

重整雲鬟撫玉琴冰絲縷縷送佳音陡然有誤邀郎顧應料儂愁  
誤裏深

朝來休便換羅襦肌怯春寒淚怯珠凭偏闌干迴細步開簾真訝



學文堂詩集卷五  
三  
翦風殊

遣悶難將好計施祇憑千疊斷腸詞三春花鳥渾無賴爲訊東風  
知未知

深宵滴瀝雨聲哀好夢無蹤去不迴曉起朦朧臨寶鏡卻疑人自  
夢中來

分明刀翦玉纖裁何福消君傍鏡臺見說吳姬稱弟子倍教孤客  
首頻回

淮陰一棹槳聲寒千里河流溯激湍回指雙溪明月裏幾人同作  
大刀看時予將往淮陰

前題十首

杜宇聲銷子夜時獸爐煙裊尙絲絲挑燈何限傷心語譜入新詞  
似竹枝

連朝怕見是行舟那忍輕拋說浪遊祇爲別離人世有苦拌紅淚  
落妝樓

玉手親斟一盞茶髻鬟鬆落半葦花自憐春恨茫無著慣逐流鶯  
到若耶

看君佳句淨無塵幅幅蠅頭妙楷勻似泣似愁還似訴恐教薄倖  
屬文人

休因調錯怨瑤琴新譜求凰別有音彈到夜闌天漸曙呢人猶說  
未更深

香風重疊逗紈襦素影臨窗擬夜珠漫爲十郎當日恨頓教閨思  
幾翻殊

纖腰瘦損計難施多事耕煙幾闋詞到得水沈勤付屬東風應遣  
玉人知

相逢宜喜卻成哀強把金尊醉幾迴今夜離情難說盡好畱一半  
待重來

征衣昨夜倩人裁此去應過古釣臺客裏把君詩細誦忍令孤楫  
久淹回

單衣初著怕微寒步履雙溪第幾湍只有青青芳草畔水痕都作  
淚痕看

前題十首

梁溪舟中

那知真有別離時攪亂人腸萬縷絲翻喜石尤風乍起輕橈猶繫  
綠楊枝

五更風改放蘭舟此去真成鉢嶺遊卻悔月明花事裏玉鞭容易  
指瓊樓

長向瑤窗喚煮茶雨前新片說蘭花銷魂別後無多日隔斷紅塵  
怨若邪

勞勞亭子起黃塵鴈字排空倒薤勻探得妝臺多少恨好將消息  
付征人

購得中郎焦尾琴搗來愁重未成音黃姑恰有傷心事聽徹人閒  
恨轉深

卸卻雙纏五色襦襦邊的樂貫明珠呼鬢重換嬌妝束淺碧魚文

新樣殊

耿耿明河計莫施陳思枉賦洛川詞還家無福稱鄉里密喚低呼

祇自知

沈休文詩還家問鄉里張  
彪傳我不忍鄉里落他處

孤燈挑盡獨悲哀一夜相思夢幾迴風好忽吹龍腦過卻疑卿泛  
小舟來

相貽粉筆法書裁好調多情是鳳臺誰料展時看不忍受人憐惜

已千回

簫書鳳凰臺  
上憶吹簫詞

細膩風光料峭寒小橋流水出湖滯梁溪山色杳然去猶自凭闌  
著意看

前題十首

廣陵舟中

油壁當年夜過時偶占詩句寫烏絲那知多事牽愁思贏得佳人  
問柘枝

楊子橋邊夜泊舟倚闌依約認前遊邗江風雨今偏惡憶爾應登  
望遠樓



碧紗窗外種山茶記得看時一樹花苦被杜鵑嗁血染月明來往  
是非耶

雲簾月簾遠埃塵薄薄新妝澹澹勻前度恍疑天上會那容消得  
世間人

忍束詩書忍撇琴叮嚀青鳥送回音開函試把嗁痕檢還比臙脂  
幾疊深

苦因藥物典瓊襦補屋年年又賣珠誰料青鬟也憔悴可憐情緒  
一春殊

小艇蒲帆十幅施坐來頻和易安詞此生深悔爲情誤無奈情牽  
不自知

又對蕪城賦七哀蓼花灘上暮潮迴陡然閣筆沈吟甚句月新從  
故里來

離情欲向鯉魚裁極望家園更上臺若遣東風權做我已吹芳訊  
幾多回

夢裏關河樹影寒枇杷門巷繞溪湍歸期約略秋風裏可許雙星  
共汝看

前題十首 高郵舟中

柔腸不死奈無時寸寸纏絲似藕絲恰望巒湖芳草岸小船橫出  
兩三枝

雨雨風風送別舟花陰簌簌記前遊神仙原在人間世那有蓬壺  
十二樓

十斛瓊蘇七碗茶蕩湖雙槳浪花誰憐刺促西風裏黯黯孤檠  
伴莫邪

碧隄芳草細子塵一舸雲山面面勻莫爲此閒耽勝賞月明無計  
望歸人

宣爐魚耳落霞琴獨自薰香獨賞音歷徧天涯多少事不知何物  
似情深 落霞琴名

頻因禮佛整羅襦半臂當胸繞戒珠惟願老消兒女恨世閒夫婿

比儂殊

昔日夷光本姓施浣紗溪上譜宮詞傾城今日誰還擅君是前身  
可得知

不道勝常只自哀避彈珠淚眼偷迴攜將寶鏡殷勤覷曾有雲鬟

入照來

唐詩背人含  
笑道勝常

血色紅羅蕙手裁弓趺行處便香臺五更一夢纏綿甚直到醒時  
遣未回

風前慵把玉簫寒夾岸緋桃映綠湍自寫芳容題細款教人直作  
武陵看

前題十首

淮陰寓中

紅板橋頭夜渡時綠陰如織雨如絲江南艇子歸傳語耐可禪關  
借一枝

門前歷歷是歸舟偏我辭家殢遠遊欲把離情託柔櫓計程應到  
竹西樓

廣袖薰香手焙茶星眸吹淚欲成花于今不見何須恨贏得生綃  
譜若邪

愁心如夢復如塵細閱輕憐意態勻恨殺釵蟲能勝我全身時得  
傍佳人

黃昏消遣只彈琴兩字平安盼遠音莫道而今腸欲斷未成相識  
便情深

亭亭裊裊紫霞襦枕是珊瑚簾是珠曾向綠窗訊小字故教煩惱  
喚頻殊

牙牀珍簟曲窗施翠管吹餘長恨詞驚得梁塵頻暗繞更無人數  
鄭都知

短長亭畔悄生哀憶起銀屏小步迴最似巫山雲一片不知何處  
卻飛來

錦字親從雪腕裁可憐悽殺趙陽臺  
轆轤金井愁腸似明月團圓  
又兩回



薄病新愁細雨寒榴花幾樹發沙湍客窗料理修情史多恐蕭娘  
不忍看

前題十首

句曲寓中

幾架葡萄掩覆時題餘紈扇理冰絲曉窗紅日剛纔到映著芙蓉  
傍水枝

浮蹤飄忽似行舟十日孤篷千里遊羨殺花叢雙蛺蝶一春來去  
只妝樓

酒意微醺

好啜茶吟來佳句簇如花休嫌險韻渾難押重疊關情

是若邪

詩已入和六用若邪

的的珊瑚愛辟塵釵蟲銜處綠鬟勻空閨打疊長憔悴多事當年

買賦人

罷撥銀箏罷鼓琴總無心緒託知音門前綠水濃于醴攪入儂愁  
分外深

對對鴛鴦繪素襦還將蠅字寫連珠妝成漫約尋芳侶二十餘番

風信殊

效顰真覺笑東施連日耽酬白雪詞自恨魂銷銷未盡个中難遣

別人知

新詩緘寄訴深哀盥漱焚香誦百迴最是郎情蕭瑟甚恍如秋雨  
夜吹來

尺書獨夜避人裁延佇空階又上臺飛鴈怱怱過幾陣可憐無計  
喚銜回

句水斜臨曲曲寒池塘石齒露新湍歸期曾有明河約誰料黃姑  
未許看

相逢曲十首

胥門東角柳千條水色斜分素練飄一帶香街都在眼个人家住  
第三橋

銀鈴珠箔最玲瓏花事排當看絕工別有瓊樓難便到半簾煙雨  
半簾風

屏邊斂掩出來難小婢扶持怯倚闌自是風情天付就可人憐處

珮珊珊

百千風韻笑嗔含密緒幽情自小諳臉暈無端知底事一生贏得

是嬌憨

如花人不愛簪花澹服輕妝立絳紗細唾柔嘶還薄怒暗拋羞眼

向羊車

供佛名花盥手拈笑容微露拜容纖書來一卷蓮經畢小印猩紅

摺尾鈴

夙昔關心是簸錢嬌嗔偏欲倚孌憐從今刻骨難忘處只在衫邊

與鬢邊

輕愁薄病也難支肩彈眉顰小步遲作計惱伊拋隱語頓逢歡笑

罷矜持

百徧端相百自由荷香恰傍美人浮就中一朵含花藥暗祝開時

是竝頭

微行側立意慙慙學得人前巧避嫌偏是情深翻似淺鶯隨飛燕  
竝歸簾

續遊詞十首

碧溪雙跨繡幃裏畫閣依然冑柳煙記得去年迴棹處个儂歡笑  
後門前

新妝冶澹稱容輝淺碧微殷露和衣最是屏邊邀一顧幅巾風度  
世間稀和衣裡衣也出左傳

花影當窗月影迴博山煙篆裊香臺畫簾遮斷深閨路卻被東風  
引出來

狂向牆東倚小樓玉人妝罷灩星眸當年光景當年恨一一追尋  
似夢遊

柳亂香迷罨畫圖雕闌重倚欲愁無休言斷竹原難續兒女情深  
本丈夫

圖書四壁巧排當羞澀相逢驟斂藏畱得粉箋臨絕好已成一半



十三行  
梅里燈毬一點紅疏花斜石剪裁工檻邊波面朱霞似不卷湘簾  
影自通  
宓妃西子總休誇擁背恩情屬趙家昨夜新成團扇曲爲郎低唱  
爲郎遮  
中酒天光好餵蠶竹屏風下長宜男人閒滋味相思苦誰道飧茶  
似薺甘  
似燕身材似柳腰眼波拋接見雲翹蕭郎蹤迹渾難定爲汝秋期  
信若潮  
悵悵詞十首  
碧紗櫺側記端相句月纔臨宋女牆福分那時渾折盡到今磨耐  
總無妨  
慘慘曾見拂輕絲和月和煙和雨時狂絕風情癡絕夢是誰教唱  
柳枝詞

小軒清絕壓城西手劈蓉箋笑靨低不是有情寧到此袖香濃處  
認畱題  
曾傳芳訊到荆扉哽咽陳詞淚影微一幅蠻箋吟萬遍不知今日  
阿誰非  
斜倚銀屏去住難相逢眞作一生拌狂奴怕受風流罪吟得微詞  
未遣看  
黃絹新詞爛綺霞簪花書法自名家吟來多少關心句微倖荀郎  
到齒牙  
銅鋪珠閣繞溪流情重難消半日畱驀聽隔林黃鳥咒泥人羞澀  
泥人愁  
柔槩輕橈熒子城幽窗花影夜分明當時暫別猶悲愴忍淚伴羞  
到二更  
花洲風物木犀天香繞金釵九子邊此際未容輕一嗅不堪回首  
已經年

向來盟誓忍成虛風雨憂愁伴索居莫更吳城城上望只今誰復  
女相如

卽席與龔琅霞限韻贈妓十首

醉眼看花倍欲狂大家風格內家妝輕衫薄袖多謙畏珍重新寒  
午夜霜

休誇惜惜與憐憐窄地風情在眼前蓮漏莫教容易盡醉人時候  
泥人天

暖語如簧韻可聽文犀一點最通靈不知雙黛憑誰畫酒意微勻  
分外青

朦朧煙月未宵分韓似芙蓉懶似雲小步細那還欲住不知風颺  
石榴裙

那溝水色碧粼粼煙樹紅扉有箇人誰料好風吹便到淩波不起  
夜堂塵

相攜閒凭小闌

西風透體寒儘著魂銷銷也未意中人作

畫中看

風入疏檣蠟淚流柔鄉覓得正宜秋人前絮盡芳情緒道是無愁  
便是愁

莫便尊前喚奈何沈沈良夜儘消磨從今綺語應全戒受卻風流  
罪已多

刪卻顛狂賸卻癡歌喉欲轉弱難支此身不屬人句管一任香風  
向客吹

未別先拌淚一雙幾重煙樹幾重江濺裙門巷羅敷院立徧紅窗  
和碧窗

述病十首

藥鑪珍重手調煎小婢辛勤亦可憐最是斂眉嘗半盞喘絲微動  
淚痕邊

生成嬌小怯心驚著意相偎夢不成昨夜鎮來銀葉好繡衾安穩  
過三更



展轉牙牀子夜迢幾回呼婢燭頻挑睡容鬆壓雙鬢鬢此種風情  
那易消  
鸞臺幾日罷臨池手腕生疏顫自知燈下強衣書數字瘦形端與  
病相宜  
那耽粉傅與朱施日誦唐人百首詩真个會心都不遠最關情處  
泥郎知  
薄袖單衫綠淺微稱心花樣稱身衣今朝強起薰香試減卻蠻腰  
又幾圍  
釀花天氣惜花人如夢如愁懶是真細閱輕呼渾妙好莫教容易  
說前因  
水畔花邊乍目成狂魂銷盡不分明才名甘爲卿家折值得柔鄉  
過此生  
弱質嬌姿酒興疏淺斟微酌愛攤書可憐近日尤憔悴勉強沾唇  
一盞餘

靜掩柴扉榭葉邨瑣窗煙月澹黃昏自憐雞骨支牀苦泣感荀郎  
熨體恩

無題爲吳蒼符催妝和友人韻四首

合盃杯承羨合歡風光輕煖復輕寒珠樓十二神仙宅玉鏡臺邊  
下舞鸞

薄薄窗紗澹澹風弄珠人坐藥珠宮莫教蓮漏今宵促明月銷魂  
上刺桐

掃眉才子畫眉郎金獸煙飄百和香樹號相思花並蒂一枝斜顫  
玉釵傍

鬪掃新妝袖唾花玉簫風起繡簾遮定情詩屬吳朝請別體香奩  
倍可誇

舟泊胥江有感二首

齊女門西問渡遲看花猶記惜花時東風一夜渾無賴不遣名花  
護舊枝

胥江江水繞城低日射城頭樹影迷聞道水波能作淚向東流斷  
復流西

初嫁詞戲爲張子催妝七首

逢人只是不擡頭背後猶防侍婢羞驀聽玉郎蹤迹到伴垂簾子  
一迴眸

細膩風光百不如朦朧春睡欲醒餘陡然憶起辭家語匳內按尋  
阿母書

簫鼓聲中轉輾思郎情深淺那從知誰知天付溫柔格枉自驚心  
枉自疑

當初嬌小繡鴛鴦忍笑含羞自忖量到得而今頻暗想孰教情思  
那時狂

一層絡索一層新想像芳容懊惱人雙屨千金釵百萬肯教輕易  
露腰身

新妝纔欲試窗前睡夕蓼花悵半薦最是故園春事好阿孃傳送

吳俗大家女嫁三日皆用翠環珠串垂之于面使不之露謂之妝新

一枝妍

寶鏡臨妝似水清笑顏難覓赧顏頰思家不禁雙峯辨未許張郎  
畫便成

堂堂二首

堂堂昔誓月如鉤萬苦于辛一笑酬世上幾多消福事可憐強半  
屬風流

萬折柔腸悄自憐鄂君舟到路縣縣徘徊臥柳寒煙側淒絕風光  
四九天

登韓信城樓

淮陰日落此登樓翹首王孫古岸頭滾滾河流原似帶可憐芳草  
只多愁

璧社湖

湖有孫覺求珠事

萬頃平湖夜不流湖光晶晶入清秋當年聞有求珠客儻得明珠  
莫暗投



濟寧登太白樓

振衣獨上任城樓  
城邊煙火萬樹浮  
謫仙今日知何在  
濟水潺湲空復流

七言絕二

元夜見走三橋女口占

相沿俗例是元宵  
欲走三橋怕路遙  
有女一橋三度走  
便如今夜走三橋

題畫四首

亭孤澗仄遠林稀  
落葉成堆覆釣磯  
試看扁舟垂釣者  
非魚非我自忘機

自忘機

山山煙景大都同  
細雨輕霞不住風  
獨有一山尤聳秀  
白雲青嶂

樹林紅

百尺飛泉噴石潭  
千林如薺碧鬢鬢  
雖然有徑無人到  
多事峯頭著草菴

石罅深藏八九家  
隔溪雲樹自週遮  
山中不識何時候  
但見棠梨又著花

惠山燒香曲八首

連宵微雨愛新晴  
夜半梳頭早便行  
買得名香因供佛  
暗酬前願為郎情

港口船停趾乍移  
橋頭延伫又多時  
大家風格天然異  
儘著人看小步遲

小步遲

泉亭一刻數經過  
體弱難禁道遠何  
消渴苦無茶薺在手  
拈梅子自抄按

今朝原是昨朝人  
鬢影衣香分外勻  
多恐檀郎容易認  
靚妝一日一番新

一番新

高髻盤龍一尺強  
繡裙百疊總飄揚  
山邊獨自吟詩句  
聽不分明也斷腸

本為看山一棹閒  
山光處處足追攀  
誰知驀與羊車會  
貪看遊郎

懶看山

若冰洞裏佛燈明大士應憐拜禱情纖手掬泉頻自懺可知昨夜

本虔誠若冰洞剛到秦園玩賞回聽松松下好銜杯不教迴避風流甚太守山邊

散步來時有某刺

夜飲尺木堂伯成明府出亦園原倡屬和兼示于皇澹心和章漏

斷歸寓卽于殘燈下成之亦園原倡為侯比部歌童作也十二

客到芳園興便濃紅牙初按月初封壁人倚處銷魂甚十二闌干

十二峯少史十

相憐不覺又成哀六尺氍毹看百回欲把名花都占盡故將腰鼓

十分催憶比部招子飲時

額覆青絲不著冠衣香飄處步珊珊曲何曾誤偏邀顧今夜深更

不許殘

紫簫一曲定如何周史風流未足多自笑有情原不合猛拌佳句

博清歌

燈下紛紛舞柘枝四條絃上繫相思主人聞道逾工妒多事茶邨

絳縷詩于皇有璧人大是關心物絳縷

輸殺多情杜牧之幾多狂態入填詞何哉老大猶堪憶況在芳齡

妙好時于皇向與戴生為狹邪

久拌青眼向花狂始信溫柔別有鄉昨夜玉郎風貌減受人憐惜

又端相主人言某

小史原宜小友呼青衣雪面總堪圖多情解得畱髡意故遣風姿

傍酒壺諸郎皆以

仙令高吟午夜時曲當入破句尤奇可知昔日安陵子也入昭明

文選詩

回憶當時醉綺筵惠山高處夜分箋而今不忍拋紅豆此會依稀

十五年昔年為文酒之會五邑同人集惠山極一時歌舞嬉遊



絲管初停打四更耳邊添得珮環聲一般風韻飄揚甚不盡詩情與別情

莆陽作劇意難勝為訂重遊許未曾料得侯嬴重然諾肯將尺素

到毗陵澹心詩有重遊之訂

上方山遊女詞八首

無數遊船集上方玉簫金管韻飄揚誰知少婦凝眸處不在山光

與水光

白羅衫罩茜紅衣髻插玫瑰花影微往復望湖亭數徧不容日暮

掩僧扉

筍輿綽約轉山腰髣髴仙姝下碧霄一步一呼輿子住不嫌山路

太岩堯

石湖煙雨夜如何齊向花闌挈伴過指點芳蹤遊慣處靈巖玄墓

虎邱多

白面兒郎髮覆眉木蘭舟裏好風吹驀然攜手山邊坐妬殺紅裙

問阿誰

登巔童子意偏豪繭足何如代以尻贏得闌干流睇久自憐纖步

殫劬勞

治平古刹倚山皋九日來遊興絕高屈指半年容易過好隨諸女

共題糕九日登高士女畢集

行春橋下水淙淙看月年年小艇從幾度凝眸情不淺預祈風雨

不相逢八月廿四橋下有串月

西湖竹枝詞有引

錢塘張子效青作西湖竹枝詞三十首皆用西湖景物為題可

謂補前人之缺略使西湖無遺憾矣予亦喜而為之

南屏晚鐘

歡住西湖東谷中儂住西湖東復東西湖夜半鐘聲起歡若聽時

儂也同

龍井飛泉

當時龍井記初逢儂在泉邊歡倚松歡心不道飛泉似飛上山頭  
不顧儂

迴龍春漲

家住江頭對越邦思歡頻自俯紅窗歡情多似西湖水誰料湖流  
不到江

西陵絲管

西陵橋上鬪歌時暫艤輕舟聽卻疑就中一曲淒涼甚似妾新裁  
團扇詩

兩峯插雲

兩峯雲臥掩斜暉何處飛來竟不歸儂比南峯歡比北北峯休要  
背南飛

花港觀魚

花港深谿繞妾居親調粉餌意何如尺書昨夜裁初就只待波間  
雙鯉魚

冷泉聽水

六一泉名自大蘇虎跑寺裏最堪娛茲泉何故偏稱冷冷似郎心  
郎試無

吳山煙雨

日落湖邊夜色迷吳山登眺願郎攜西湖莫便呼西子儂也移居  
近向西

斷橋殘雪

雪色初殘景倍佳四山零落對蕭齋斷橋雖喚何曾斷此意歡須  
繞夢懷

桺浪聞鶯

垂柳絲絲碧浪開蕭郎手折待儂來黃鶯亦解儂心事飛傍儂身  
不住催

石屋高秋

凝坐窗邊意莫伸秋高石屋望逡巡丹楓似亦知離別繾綣儂前



學文堂詩集卷五  
故愴神

昭慶迴廊

手捻名香佛座焚蓮蹤還向兩廊分迴廊可比回心院說與空王  
聞未聞

白隄落鴈

晶晶湖光水色昏白公隄上好移尊鴈行排出人人字不審何人  
解斷魂

初陽旭日

爲看初陽耐曉寒筍輿百折上巘阮陽烏不比蟾光缺日日團圓  
與世看

慈雲曉望

曉望慈雲勢可攀月鉤猶挂小山閒自從歡去無消息只看刀環  
不看山

麴院風荷

放艇西湖儂自牽花開十里最生妍藕絲蓮子儂俱愛苦只心兒  
最可憐

韜光觀海

望海峯遠海色遙與歡攜手上山椒儂情似海還無底歡只錢塘  
早暮潮

長橋夜色

煙光一帶接春郊歡詠新詩儂手鈔儂在橋邊行且住待歡題徧  
好推敲

九里松濤

萬松深處酒樓高歡解金龜興絕豪歡心寧可松濤似莫作春江  
二月濤

平湖秋月

白露微降夜色多月明如鑑復如波一鉤惟願常相顧到得圓時  
又缺何

蘇隄春曉

煙色朦朧翠可嘉  
蘇隄楊柳數行斜  
歡身乞作枝頭絮  
飛去飛來繞妾家

天竺晴遊

天竺晴遊好進香  
去年心願敢遺忘  
而今復許新香願  
他日來酬只看郎

八卦春耕

田如八卦舊知名  
郎課兒童且去耕  
若把田形當卦象  
便知儂意與歡情

孤山梅鶴

放鶴亭邊鶴振翎  
鶴飛何處賸孤亭  
山孤料與儂孤似  
爲問梅花夢可醒

三潭映月

第一潭中水色澄  
第二潭中月乍升  
獨有第三潭月好  
照著儂心

一片冰

浙江潮汐

錢塘江中水自流  
大潮小潮來不休  
歡情儻得如潮信  
儂亦不登江上樓

三橋競渡

結伴來遊出武林  
水嬉爭看繞湖心  
西湖湖水無多尺  
爲入儂愁近覺深

玉泉放生

早起開船到佛菴  
放生心事爲祈男  
前朝多放魚蝦子  
喜見蠕蠕滿碧潭

雷峯夕照

日暮回舟別思添  
浮圖高出小山尖  
雷峯可與巫峯似  
著意相看不下簾

雲居紅葉



學文堂詩集卷五  
一陣西風透碧衫紛紛紅葉下山巖拾來題徧相思字屬付歡歸伴枕函

王叔明畫樓倪雲林嘗過訪于此

獨立高樓一酒徒眾山圍合小山孤倪王妙手今誰見畱得西湖作畫圖

西湖女郎曲十三首

蘇小小

小小南齊錢塘名妓死葬孤山宋哲宗時洛下生司馬標夢小小舉帷而歌問歌何曲曰黃金縷妾所作也後至錢塘往拜其墓續前詞半闕是夜夢語曰妾願酬矣幽婚三載而卒月冷煙銷墓草衰夢魂猶逐好風吹西陵松柏依然在腸斷黃金半闕詞

琴操

蘇子瞻守杭時有妓琴操通佛理詩詞衝口而出子瞻異之

一日邀往湖中戲與談禪琴操自是大悟遂爲尼青橋菴其址也

太守談禪小妓諳青橋菴址鏡湖南水流花落還依舊畱與遊人著眼參

朱淑真

朱淑真錢塘女也善詩詞工書翰嫁市僧不得志而死常與宛陵魏端禮夫人相善夫人重其才淑真死收其遺槩題曰斷腸集葬其骨于青芝塢有一文士讀書其地夢淑真告曰君本韻士當收吾遺槩刻示人間曉覺往訪魏夫人索槩刻之是夜夢淑真叩扉道謝

斷腸詩句淚痕清身死猶憐後世名誰道粉香銷已盡塚邊芳草尚含情

趙好好

好好錢塘妓善詩詞翰墨遊者填門自顏其廬曰春滿園一

客題詩其樓有重攜殘酒看西湖之句宋高宗常至其家見而笑之語曰此寒酸士也改云重扶殘醉看西湖自是好好名益振

風流天子不須嗤春滿園中輦過時殘酒更誰扶醉看只今惟有月明知

蔡容

蔡容唐時官妓元微之江左任滿除去白樂天置酒餞別微之于容意不忍別樂天戲作一詩代容寄之

元白交情世所稀離筵歌舞月鈎微佳人多少鍾情語闌入風流太守詩

朝雲

朝雲錢塘歌妓蘇子瞻重眷之一日報陞惠州買雲同往至惠而卒子瞻痛之葬于羅浮

載得名姝賦遠遊雪兒歌吹斷羅浮梨花一夢還同否應向西湖

覓舊樓

東坡輓雲詞夜半梨花同夢

薛瑤

薛瑤善弄簫作鸞鳳鳴錢塘令韓汝玉愛之堂事畢即往其家偕遊湖中適一吏受贓犯法挾瑤事使解眾議紛起汝玉遂辭官自劾時范文正為郡守極愛汝玉會疏已下不可畱文正乃置酒湖中召瑤侑觴痛飲別遣一舟命瑤送至潤城而別

仙令翩翩興絕狂酒樓高處挾名倡驚人老子尤情種只為簫聲解斷腸

東坡詩驚人老子范希文也解風流愛令君

周茗

周茗善品茶家蓄岍山蘿片經年香味不變常與蔡君謨論茶君謨屈焉又有胡楚龍靚者皆與之編戶相望一日杭守陳述古過湖中讌客令三妓佐酒客散三妓跪請曰願求落籍述古笑而語曰檐下有白鸚鵡一隻繫籠中汝能立刻成



詩吾當免之三妓爭求硯墨茗詩曰隴上巢空歲月驚忍思  
回首看彫翎開籠若放高飛去長念觀音般若經述古觀之  
大爲稱贊遂許落籍

品茶曾屈蔡君謨太守憐才得似無羨殺詩情鸚鵡似喃喃爭向  
畫檐呼

胡楚

胡楚詩澹妝輕素鶴翎同捉入朱欄便計窮應笑西湖桃李  
惡強邀顏色賣春風

澹妝輕素薄鉛華想像風情絕可誇寧作西湖桃李豔莫如楊柳  
一行斜

龍靚

龍靚詩桃花流水本無塵一繫人間盡誤春解纜若隨漁父  
去溪源自有避秦人張子野在杭有詩名妓中能得其贈詩  
者名遂著靚未之得因爲詩嘲之詩云天與羣芳十樣葩自

慚顏色不堪夸牡丹芍藥人題徧誰及荒園瓠子花

荒園瓠子句堪思豈獨工爲鸚鵡詩誰似當年張子野才名贏得  
美人知

張淑芳

張淑芳樵家女理宗時徧選宮嬪賈似道見其殊美匿爲已  
妾教以詩曲穎妙絕羣似道敗薙髮爲尼結菴九谿之塢嘗  
作詞云羅襟溼未乾又是淒涼雪欲睡難成寐音書絕竹葉  
何辜懍懍狂風折寒衣弱不勝有甚遙腸望到春來時節孤  
燈獨照字字吟成血僅梅花知苦香來接離愁萬種提起心  
頭切比霜風更烈瘦似枯枝待何人與分說

茅齋竹舍傍湖嵐詞賦淒其淚雨含出世好將情意冷不須重憶  
木棉菴

朱觀奴

觀奴元時錢塘名妓家住鹽橋籍籍有聲厭市塵欲卜居金

沙灘苦無資立花緣簿一冊募助瞿宗吉愛其才戲撰一詞于首觀者莫不快之

金沙灘畔好移居水色山光畫檻虛一闋芳詞誰不羨桃花薄面果何如宗吉詞騷人有意贈青錢請看桃花薄面

小青

小青揚州人能詩兼工丹青明萬歷間有武林豪士載之歸會婦妬別處孤山豪不得通往還小青日作畫易薪米自給詩多冷峭之句武林人刻之流傳于世

僻處孤山水澹邗溝歸夢杳難期時將圖畫消閒畫悔作人閒連理枝

丙申初夏避兵安陽山陸墟邨舍月餘乃返今甲寅四月之杪復到此閒見壁上題詩宛然已忽忽十有八年矣因追述當時情事續題數章以志慨云十首

十八年前壁上詩門前楊柳繫人思今春舞絮依然否飄泊人間

到幾時前詩有楊柳依依在眼中之句

翠篠週遮屋角東小樓高處曲谿通年年春色原相似祇爲愁人

看不同前詩有莫上小樓高處望今年春色不相同之句

當年少小不知愁斜谷長林汗漫遊日暮手拈金彈子不容歸鳥到枝頭

爛醉曾教牧子扶幾耽邨釀白如茶重來卻喜青帘在可識當年舊酒徒

美人聯袂舞春風縱目谿山態最工我亦春遊來到此也教闌入

眼波中昔時見數女遊長谿山美而豔

野渡橫舟手自牽隨風倏忽到湖邊隔林田父口呼急荷鍤攜鋤待過船

潺潺田溜作驚湍逐水魚兒上不難最愛綠陰鋪片石坐來斜拂釣魚竿

萬松菴外記前遊清磬聲中落梵幽偶與山僧談往事白雲斜渡



蓼谿頭

安陽山畔石嶽嶽古洞深幽晝自陰洞口舊題石上可憐強半已苔侵

彈指輕過十八年青山無恙舊林泉田夫白髮垂過耳重與相逢  
蟬舍邊

學文堂詩集卷五

